

No. 95.

214 72/P [P.]

34

N. 14

DISSERTATIO THEOLOGICO-
HISTORICO-PHILOLOGICO-
LITERARIA

DE

CVLTV SERPENTVM
APVD ANTIQVOS

VARIIS ANIMADVERSIONIBVS

ORNATA

A V T O R E

M. IOH. CHRISTIAN. KOCH.



LIPSIÆ,

APVD HAEREDES IOHANNIS GROSSII,
ANNO MDCCXVIII.

Conspectus Dissertationis Cap. Primi

Seçt. I.

de Idololatriæ ortu in genere.

- S. I. Autores recensentur, qui de Idololatriæ origine egerunt.*
S. II. Derivatur ortus ejusdem a syderum cultu.
S. III. ab imaginibus, ubi incidenter de Theraphim, & cultu Imaginum apud Pontificios.
S. IV. a defunctorum, Majorum veneratione.
S. V. a cultu Angelorum, ubi quæstio; Num Angeli e Lumine Naturæ demonstrari possint?
S. VI. Originem Idololatriæ pro Diaboli versutia admodum incertam esse, demonstratur, & de ritu homines immolandi agitur.
S. VII. Nostra conjectura proponitur, scil. ab animalium cultu idololatriæ incunabula repetenda esse. Obiter de veneratione canum, & comestione carnis antediluviana.

Seçtio II.

- S. IIX. Serpentes, & Dracones reliqua inter animantia culti. Cultus iste derivatur.*
S. IX. juxta quosdam a timore.
S. X. à serpente seductore protoplastorum, ubi de Orgiis Bacchi.
S. XI. à serpente aneo, juxta nos.
S. XII. à nimia admiratione sagacitatis serpentum.
S. XIII. Transitio ad

Caput secundum cujus

Seçtio I.

de gentibus Cultui serpentum adsvetis.

- S. I. Augustini Testimoniũ de superstitione veterum assertur. Coluerunt autem serpentes.*
S. II. Ægyptii.
S. III. Phœnices.
S. IV. Cretenses, ubi obiter de Harðuino, ejusque operibus nonnulla.

S. V.



- S. V. Iudæi. Explicatur Locus 2. Reg. XVIII. 4.*
S. VI. Babylonii, inde de Historia de Dracone Babylonico, it. de Iosepho Gori-
onide.
S. VII. Romani, ubi de signis militaribus, & Draconariis Romanorum.
S. IIX. Germani veteres, obiter de Vandalis agitur.
S. IX. Ophite Heretici.
S. X. Recentiores populi septentrionales, incidenter de Bernh. Connor Evang.
medici, & Autoribus, qui de Relig. Moscovitarum scripserunt.
S. XI. Fidenses in Guinea, h. l. de piis fraudibus Ethnicorum.
S. XII. Transitio & preparatio ad

Sectionem II. de ratione serpentes colendi.

- S. XIII. Venerabantur Templis in honorem eorum exstructis, ubi de Antiqui-*
tate Templorum Paganorum.
S. XIV. Sacrificiis oblati.
S. XV. Geniorum loco habebantur, ubi varia de genis veterum, & de serpente
domestica, s. dem Haus - Uncken.
S. XVI. Auguria ex serpentibus capiebant. l. c. de Incantatione serpentum.
S. XVII. Deorum simulacris addebantur.
S. XVIII. de Caduceo Mercurii, it. de Baculis Deorum, & Mithræ sacris.
S. XIX. Serpentes in nummis veterum,
S. XX. In nummis recentiorum.
S. XXI. Transitus fit, quem sequitur

Caput III. ejusque Sectio I. moralis.

- S. I. Summa Diaboli astutia expenditur.*
S. II. Inimicitia, quam Deus Gen. III, 15. posuit, ad Diabolum, spectat.
S. III. Ab ineunte etate cum Satana nobis est certandum, ubi de Cornu Da-
nico, & Oldenburgico.
S. IV. Non sunt excusandi, qui sub simulacro serpentis Deum verum adorare
voluerunt.
S. V. Christiani cultus hujus sese reos constituunt, prudentie spiritualis obliti.
S. VI. Qui Corda Templorum loco Satanae dicant.
S. VII. Qui calumniando proximum ledunt.
S. VIII. Qui famulos ancillasque perfrictæ frontis alunt.

Sectio II. Miscellanea.

§. IX. Longevitati conducunt serpentes.

§. X. de lapillis in capitibus serpentum reperiundis.

§. XI. de serpentibus prodigiosæ magnitudinis.

§. XII. de serpentibus tintinnabulis instructis.

§. XIII. Remedia contra serpentum morsus, obiter de Circumforaneorum præstigiis.

§. XIV. Serpentes vitri instar fragiles.

§. XV. Serpentes hominibus admodum familiares.

§. XVI. Comitæ serpentum.

§. XVII. Totius Dissertationis clausula.





I. N. I.

De cultu serpentum apud Antiquos.



Inter Diaboli fallacias Thomas Crenius *Exercit. Sacr. Priora quadam Mosis tractant*: p. 27. hanc semper præ cæteris miratum se fuisse profiteretur, quod serpentes eo usque dignitatis & majestatis provehere potuerit, ut Numinis instar haberentur & colerentur. Quin, ipse Gentium Apostolus obstupescit expendens secum miserorum mortalium stultitiam, gloriam immortalis Dei per imaginem ad volatilium & quadrupedum, & reptilium similitudinem effingentium

Rom. I, 22. Ita proh dolor! Satanæ mentes incredulorum fascinare meditatus est, ut eadem, qua protoplastos decepit figura, coleretur, & sic, quantum in se est, Protevangelio *de contritione capitis serpentis* illuderet. Historiarum siquidem monumenta inspicientes cæcos Ethnicos eo dementiæ & superstitionis delapsos esse intelligimus, ut Dracones vel Serpentes divino honore mastraverint fictitiaque isthæc Numina templis extructis, sacrificiisque oblatis placare laboraverint. Nefario de hoc cultu passim Philologi præstantissimi conquesti fuerunt. Nemo verò peculiari scripto eundem exposuit, quod ego quidem sciam, præter *Summè Rev. Dn. Philippum Olearium*, cujus Dissertatio de *Ὁφιολατρεία* multifaria eruditione & lectione refertâ in omnium manibus est. Liceat jam specilegium post messem instituere, & ex multorum varii generis librorum lectione annotata Philologiæ studiosis communicare eo quidem ordine, ut TRIBUS CAPITIBUS omnia includamus horumque quodlibet DUAS IN SECTIONS dividamus. Divina scilicet adspirante gratia, quam in limine sta-

im ardentissimis imploramus precibus. CAPITE PRIMO *Originem*, ALTERO *Existentiam & modum* nefandi hujus cultus exhibebimus, TERTIO demum *moralia* nonnulla suppeditabimus finemque *miscellaneis de serpentibus* faciemus.

CAP. PRIMVM

de origine cultus serpentum.

SECTIO I.

de Idololatriæ ortu in genere

§. I.

ANte serpentum venerationis exordium, quam ab ultimis seculis repetamus de *Idololatriæ Origine* in genere nonnihil verbornum facere haud supervacaneum crit. Sed verendum est, ne Lectoribus quibusdam Iliada post Homerum scribere videamur, cum viri eruditionis laude nunquam intermoritura florentes argumentum istud jamdudum præocupaverint. Quem enim latet *Gerb. Job. Vossii* opus eruditissimum? Quis in Re literaria adeò hospes, ut *Eduardi Baronis Herbert de Cherbury* librum de *Relig. Gentilium errorumque apud eos causis* A. 1663. ab *Isaaco Vossio* editum & 1700. recusum, *Ant. van Dale* dissertationes de *Orig. & Progressu Idololatriæ* Amstelod. 1696. in 4. impressas nesciat? Quem denique fugit Celeberrimum *Banierium* A. 1715. iterata vice edidisse *Explicationem Historicam Fabularum earumque originem & conformitatem cum Historia antiqua*, & dialogo IV. de *Origine & Progressu Idololatriæ* accuratissime egisse? ut plures alios *Fabricio* & *Morbosio* laudatos prætermittamus. Nostro in pectore non ista sedet temeritas, ut falcem in messem tantorum virorum mittere conemur. Paucula saltem ad præsens institutum facientia delibare lubet.

§ II.

A prima ferè mundi ætate syderum cultum repetit *Anton. van Dale* Dissert. I. de *Orig. & Progr. Idol.* Cap. I. p. 14. cui adstipulatur *Jacobus Basnagius* *Antiq. Judaic.* Tom. II. Cap. II. pag. 391. scribens: *la beauté des Astres pouvoit e blouir aisément les hommes du premier monde, le Soleil qui répando-*

it sa lumière d'une manière si éclatante, & pouvoit être regardé comme le Père des moissons & des fruits que la terre apportoit aux hommes, devoit faire assez d'impression sureux, pour leur faire regarder ces Astres avec beaucoup d'admiration, & on passe aisément de la veneration & de la reconnoissance au culte. Eum in finem in hanc descendit sententiam, ut ostendat hominum antediluvianorum peccatum non in Atheismi, sed Idololatriæ deformitate constituisse; Neque *Elias Benoist* Melang. de Remarques contre *Mr. Toland* à Basnagio abludit. Solis ac lunæ reliquorumve Syderum venerationem superstitionis rudem Caini posteros à veri Numinis cultu primum abduxisse non dubium est (*); ante diluvium verò primordia cepisse Dn. D. Buddeus Hist. Vet. Test. Per. I. Sect. I. pag. 159. negat asseverans, verbum עוֹלָם in loco Gen. IV, v. ult. (***) ad quem passim provocatur

A 2

(*) Mr. *Humphredus Prideaux* in the History of the Jews asserit, Planetarum cultum in Chaldaea cœpisse, postmodum in Ægyptum & Græciam, imò ex Oriente in Occidentem penetrasse, & sic idololatriæ semina in universum terrarum orbem sparsa esse. Vid. Mr. de la Roche Bibl. Angloise T. I. P. I. p. 12. sq.

(**) Celeberrimo Buddeo, quod attinet explicationem loci Genes. IV, 26. plurimi Theologorum adstipulantur B. nim. *Pfeifferus* in Dubiis vexatis p. 51. *Hackspanius* Not. Phil. P. I. p. 118. aliique. Fatetur & *Vockerodt* Exerc. Acad. p. 161. agrè loci hujus sensum tueri qui idololatriæ incunabula ab Enochii avo capienda esse arbitrantur. Nescio proinde, quid Cl. *Reimanno* in mentem venerit Hist. Literar. Antediluv. Sect. I. pag. 16. contendenti argumentum eorum, qui Henochum Heterodoxiæ aut idolorum cultus reum faciunt, eadem probabilitate gaudere, quâ Theologorum Patriarchæ hujus memoriam sanctam habentium? Quis enim illum, quem Spiritus S. cum Deo ambulasse disertè asserit, tanti sceleris autorem constitueret? Quis probabiliter Heterodoxias accusari posse crederet, cujus Paulus fidem Hebr. XI, 5. tantis laudibus extulit? Judæorum commentum est, ad quod *Reimannus* provocat, omni assensu indignum atque à Theologis jam dudum profligatum. Vid. Aug. *Pfeifferi* Exercit. de Henoch cap. III. §. 6. *Heidegger. Exercit. de raptu Noachi*, quæ IX. est in Hist. Patriarch. §. III. & IV. p. 255. Dicimus cum B. *Lyfero* sensum verborum: Tunc cœptum est vocare nomen Domini, hunc esse: „Cainitas ad tempus sic prævaluisse, & Adamum cum suis, tanta miseria oppressum fuisse, ut publicus Dei cultus ex ipsorum,

tur non per *profanum* est, sed per *cautum* est vertendum esse. De Siderum cultu autem religioso p. 242. ita differit: *Solis, lunæ, hinc planetarum cultus prima baud dubio & antiquissima fuit idololatriæ species. Haud obscure id colligere licet ex verbis Jobi cap. XXXI, 26. 27.* Nos uti nemini ea de re litem movebimus: ita contra Basnagium defendimus, homines in priori mundi cataclysmo viventes magis ad Atheismum, quam superstitionem pronos fuisse. Quomodo enim de Atheismo eorum dubium oriretur. cap. VI. & seq. Geneseos paulo curatius pensitanti? iste jam in Caino altas radices egerat. vid. *Ant. Reiser. Epist. de Orig. Atheismi*, ita ut successu temporis novas subinde vires ceperit, quin in Theoreticum facile degenerare potuerit.

§. III.

Idololatriam Ethnicorum ab imaginibus ortum traxisse Jacobus Owenus cap. III. the History of images s. *de Historia imaginum earumque cultus* ex Rom. I, 23. ostendere conatur Tertullianum in suas partes vocans Imagines & idololatriam ante diluvium fuisse asserentem. *Job. Amos Comenius* quoque in Tract. quem unum necessarium inscripsit cap. II. pag. 17. *maximam partem per imagines Deorum multitudinem in orbem invectam esse statuit*, addit tamen lingvarum multitudinem minus rectè, ut opinor. Licet enim homines dispersi seorsim habitaverint, & vernaculæ obliiti fuerint, retinuerunt tamen memoriam, & tum ideam Dei innatam, tum veri & Patriarchis patefacti acquisitam. Imaginum cultus teste Svida in voce Αἱετάρη cepit à *Selucko* & viguit usque ad tempora Thara patris Abrahami. Priscos Idololatrias de astros suos sub variis simulacris coluisse nulum mihi est dubium Labani *Theraphim* (*) vitulum aureum, & similia
cogi-

„parte totus conciderit, nec licuerit ipsis palàm convenire, sed
„quod privatim tantum orarint. Sub Enos autem, cum etiam ex
„Adami parte homines multiplicati essent, instituta est reformatio religionis, collecta est Ecclesiola, apud quam in lucem reducta prima promissio. vid. *Ejusd. Adamum* p. 455.

(*) Labani *Theraphim* imagines vel statuas idololatricas fuisse omnem extra dubitationis aleam positum arbitror, quanquam P. Jurieu conjectura non adeò firmo talo niti videatur, icunculas istas pro imaginibus Noæ, Semi, aliorumve Patriarcharum venditantis *Hist. Critiq. des dogmes, & Cuetes* P. III. Sabii simulacra Dæmonibus consecrata carminibus animabant eaqve loquentia veluti faciebant. Hæc cum

cogitanti. Ipse sanctissimus legislator Israëlitas ab eo arcere clementissimè in verbis Exod. XX, 4. 5. voluit. David sanctissimus Rex atque vates in ea invehitur Ps. CXV, 4. sq. inquiens: *Os habent, & non loquentur, oculos habent, & non videbunt, aures habent, & non audient &c.* Ita sane imaginum veneratio apud gentiles invaluerat, ut etiam in corruptam Pontificiorum Ecclesiam transierit ibique jamdudum altissimas egerit radices (*)

A 3

vid.

Labanis Teraphim D. Adam Tribbechovius Hist. Natural. Cap. III. §. 4. p. 10. componere haudquaquam veretur. Inter Talifinas Arabum, & Theraphim Hebræorum nihil discriminis intercedere *Joh. Henr. Hottingerus* statuit. *Hist. Orient.* L. I. cap. VIII. Plura dabunt *Claudius Frassenius* in *Disquisit. Biblic.* in Pentatevch. ad cap. XXV. Genes. v. 22. *Joh. Mich. Dillherr.* T. 2. Disp. p. 345. *Aug. Pfeifferus Exerc. de Idolis Labani, quæ Rachel suffurata in Dub. vexat.* p. 1037. sqq. reperiunda, & qui primo loco nominandus erat *Jac. Basnagius* T. II. *Antiq. Judaic.* p. 558. sqq.

(*) Imaginum cultui plerique Pontificiorum summa pertinaciâ inhaerent. *Burghaberus* è Soc. Jesu Theol. Polemic. contro. XLIV. p. 289. his verbis suam suorumque mentem explicat: *Quando imagines formalissimè sumtæ ut scil. exercentes munus imaginis, proprio cultu adorantur, tunc non solum externa signa, sed etiam internus affectus submissionis & reverentiæ verè circa imaginem simul & ipsum exemplar tanquam circa adequatum terminum seu objectum, ut quod, versantur, adeoque utrumque verè & proprie eodem cultu colitur.* Errorem hunc frustra excusare aut lenire laborant Pontificii Gallici. Abb. *de Lanion* controversiam hanc pro proleteria pronunciabat, cum Jaque-loto neque ex scriptura neque Traditione iconolatriam probare valeret. Vid. *Belii Lett. Chois* p. 561. Non patitur instituti ratio, ut fufius in deformitatem cultus imaginum inquiramus. Sufficiat scripta quædam adversus illum concinnata allegasse. E Pontific. cohorte Autor *Entretiens de Philarethe & Philerene* Dial. IV. eundem improbat. E Nostris B. *Joh. Schræderus Apodixin Theologicam geminam de imaginibus ad habendum, non ad colendum* A. 1606. edidit. B. *Joh. Matth. Meyfartus* diss. nonnullas de Reliq. imaginum, & statuarum cultu A. 1634. conscripsit. Conf. B. *Danhaueri Lac Catechet.* P. I. p. 189. sqq. Dn. *Alberti zum Felde* diss. de cultu Imagin. Antichristiano. Kilon. 1712. Reformatos inter evolvendi sunt. *Dan. Chamier* in *Panstrat. Cathol.*

Vid. præter Nicol. Hunnium doctissimum *Mussardum* Gallum, cujus liber lectu jucundus 1695. germanicè versus sub hoc titulo prostat : *Gründliche Vorstellung der vor Zeiten aus dem Heydenthum in die Kirche eingeführten Gebräuche, und Ceremonien.* Primis quidem temporibus statim sub simulacris vel statuis venerati sunt Gentiles Numina ficta, quanquam apud Romanos sequiore demum ætate. Vid. *Joh. Sartorii Schediasm. de Hypocr. Gentil. circa cultum Deorum*, c. VII. p. 134. sq. Varronem dixisse : Qui primi Simulacra Deorum populis posuerunt eos civitatibus suis & metum demsisse & errorem addidisse, Deos enim facile posse in simulacrorum stoliditate contemni, Augustinus Autor est de Civ. Dei L. cap. IX. & XXXI. Maximopere tamen dubitamus, imagines idololatriæ ansam suppeditasse, easdem ad effectum magis quam causam peccati tam enormis referentes.

§. IV.

Imaginum cultum superstitiosa majorum veneratio generabat. Cum ex mortuorum desiderio constituerentur imagines simulacrorum usus ortus est, Augustinus ait L. XXII. contra Faust. Manich. T. VI. oper. p. m. 398. A. Et sane haud infimæ cavæ eruditi universam Idololatriæ sentinam à nimio defunctorum honore profluxisse existimant. Ipse Autor Sapientiæ Salom. cap. XIV, 14. 15. à partibus horum stare videtur inquiens : *Κενοδοξία γὰρ ἀνθρώπων εἰσῆλθεν εἰς τὸν κόσμον, καὶ διὰ τῆς τοῦ συνήκειν αὐτῶν τὸ τέλος ἐπενοήθη. Ἀὐτῶν γὰρ πένθει τρογοῖμενος πατήρ τῆς ταχέως ἀφαιρεθέντος τέκνου, εἰκόνα ποιήσας τὸν τότε νεκρὸν ἄνθρωπον νῦν ὡς θεὸν ἐτίμησε, καὶ παρέθηκε τοῖς ὑποχειρίοις μυστήρια, καὶ τελεταίς.* Ad Tharam Abrahami patrem *Cyprianus*, *Epiphanius*, *Chrysostomus* aliique Ecclesiæ patres Autorem Sapientiæ respicere putant, is enim ex mente eorum defuncto filio Harani imaginem vultum suum referens dicabat, quasi in Deorum numerum esset cooptatus. Tharan à Superstitionis crimine non fuisse immunem credimus, an autem filii imaginem pro Numine coluerit, vel Abrahamum ad sceleris societatem pertraxerit? (*) non liquet. De *Syrophane* Ægyptio

P. Jurieu *Preservatio contre le changem. de Relig.* p. 134. sqq. *Amand. Polan.* *Syntagm. Theol.* L. VI. cap. X. p. m. 1131. sqq.

(*) Tharam Abrahami patrem exercitatissimum sculptorem arteque sua ad Idola fabricanda abusum fuisse Hebræi uno ore tradunt, vid. *Basnagium* l. c. T. 2. p. 538. Nonnulli apud *Wagenfeilium* in Sota p. 192. addunt eorum venditione quæstum fecisse maximum; sed fabulam

ptio *Diophantes* Lacedæmonius memoriæ prodidit, eum post repentinum filii discessum simulacrum conflasse, idque in honestiore ædium parte reposuisse. Quodsi contingeret, ut servi ancillæque, quarum magna turba utebatur, criminis quicquam committerent, omnem effugiebant pœnam, dummodo imaginem dictam floribus conspergerent vel fertis coronisque honorarent Vid. *Gvil. Stuckium Sacrif. Gent. descript.* p. 361. *Zimmermanni Analect. menstr.* mens I. N. LVII. ubi Deorum simulacra statis diebus ornata perhibet. Ipsius Baal Idoli famosissimi veneratio inde ortum duxit, si Hieronymo fides habenda ad Ezech. XXIV. T. V. Oper. p. m. 558. commentanti: *Idolum autem Baal, sive Bel, & ut apertius dicam, Belis Assyriorum religio est, consecrata à Nino Belis filio in honorem Patris.* Recentiores inter P. *Tourmenine* superfluum defunctis exhibitum honorem idolatras fecisse statuit. Vid. *Explicat. Historiqv. des Fables* Entret. IV. Quicquid hujus sit, quantum superstitiosa majorum veneratio valeat, non sine damno Ecclesia experta est, inquam nimium martyrum æstimium ἀγιολατρίαν invexisse (*) patet.

§. V.

hanc omni fundamento destitui Summè Rev. *Dn. D. Buddeus Hist. Vet. Test.* Per. I. p. 248. monuit. Quæ cum ita sint, quid de traditione, qua Abrahamus in patris absentia idola fregisse asseritur, habendum sit? patet. Videatur de ea *Greg. Michaëlis in Notis ad Gaffarell. Curios. inaudit.* p. 194. sq. Altioris indaginis quæstio videtur: Num Abraham ipse ad tempus peregrinos coluerit Deos? affirmat eandem B. *Martin. Chemnitius Exam. Concil. Trident.* P. I. p. 134. nec non B. *Joh. Petr. Grunenberg. Dissert. de peccatis Heroum fidei eminentibus* §. XXII. p. 36. Negant alii, celeberrimo *Fabricio Codic. Pseudepigraph.* V. T. pag. 336. sq. laudati. Multa hic occurrunt fabulosa, quorsum relatio de Abrahamo à Patre accusato, & à Nimrodo in ignem ardentem coniecto spectat, de qua vid. *Georg. Eliez. Edzardi Adnot. ad cap. I. Avod. S.* p. 187. Plura verò incerta. Ad locum *Jos. XXIV, 2.* à dissentientibus multa solent excipi. Hinc omnem rem in medio relinquere, quam Mose tacente certi quid definire malumus.

(*) Martyres pia & quidem haud immerito venerabatur antiquitas, memoriamque eorum sanctam habebat. Eò spectabat prælectio nominum defunctorum ex *δυπτόχοις* vel sacris tabulis, de qua vid. *Qvendstedium de Orat. & oblationibus pro defunctis* §. 6. B. *Dorscheum de Missa* cap. XI. §. 1. p. 338. Sed seculo IV. in maximum abusum vene-

§. V.

Aliam Idololatriæ originem assignat *Joh. Clericus Comp. Hist. Univers.* p. 9. sq. Conjicit enim homines præter Deum summum mentes quasdam separatas credidisse, quæ legatorum instar ad terræ incolas mitterentur (*). Has initio magno honore afficiebant, quod Hebræorum gens quoque haud intermittebat. Sed cum in eum demum delapsi essent errorem Angelos Deos minores esse, quibus Imperiorum, urbium, familiarum cura à Deo ὁψίστω demandata sit, paulatim supremi Numinis obliti minores illos Deos honore soli summo Deo debito afficiebant eorumque numero præstantissimorum Heroum mentes post obitum inferi sibi persvadebant. Quo factum est, ut Reges defuncti colerentur. Haftenus Clerici mentem expo-

ratio illa declinabat; siquidem non solum Altaria in honorem & memoriam martyrum erigebantur. Vid. *Matth. Zimmerm. dissert. ad Tertull. Fiunt non nascuntur Christiani* Sect. II. §. 44. p. 23. sq. Sed laudes eorum quoque ad sepulcra decanabantur, quibus licentia poëtica accedebat, quæ ad paganorum morem demortuos nimium evehebat, cultumque demum superstitiosum invehebat. Vid. *I. E. F. V. L. Antiquit. circa Funera & Ritus veter. Christianorum* Lib. VI. Cap. VII. conf. omnino *Casp. Sagittarij dissert. Inaugural. de Natalitiis Martyrum* Cap. V. §. XIII. sqq.

(*) Num existentia Angelorum natura nota sit? hac occasione quæri posset. Nos probabilia argumenta Naturæ concedimus, apodictica verò soli scripturæ S. reservamus. Vide *Systemata Theologica* passim, & conf. *Dn. D. Joh. Schmidij dissert. de Angelis ex principiis philosophicis non demonstrabilibus*, it. *M. Joh. Davidis Hobeseil disp. An Angelorum Existentia ex Naturæ lumine demonstrari possit?* Contrariam tamen sententiam propugnare videntur *Ruardus Andala Syntagm. Teolog. physic. metaphysic.* P. III. Cap. IV. §. 9. p. 131. Aut. *Pseudonymus Franciscus de Cordua* in *schrift und vernunftmäßigen Gedancken von Schatzgraben, und Beschwörung der Geister* p. 37. sq. & celeberrimus *Andreas Rudigerus physic. divin.* Lib. I. Cap. IV. Sect. IV. §. 71. sq. pag. 175. cujus verba dabimus: „Quoniam essentia, inquit, adeoque & existentia rerum compositarum dependet à natura simplicium, & adeò naturaliter aliquæ res, quas forte Deus componi vo-

exposuimus, qui porro hariolatur, Angelos aliquando in statuis oracula (***) edidisse, illas autem demum reliquisse, cum ideo cultu divino sese affectos cernerent, successisse tamen in locum eorum angelos tenebrarum. Unde (sunt verba ipsius Clerici) *scriptura dicit, Ethnicos adorasse demonia, non quod Ethnici crederent, se adorare Naturas malignas, quas Diabolos vocamus, sed quia Diaboli soli eorum templa & statuas incolebant.*

B

§. VI.

luit, componi haud possent, si in principiis non omnes darentur, possibilitates, probabile maxime est, Deum in constituendis rebus, simplicioribus omnes observasse possibilitates, ne ad constituenda, magis composita ullum possit deesse principium: Unica enim in, principiis omissa possibilitas, vel mille alias compositiones impediisset, quorum aliqua forte fini Dei creatoris poterant respondere. Cum ergo Spiritus incompletus sit magis compositus completo, & ille secundum omnes possibilitates existat rationalis nempe & irrationalis, seu sola memoria præditus, credibile est, etiam minus compositum, nempe completum, secundum easdem dari. Acutè philosophatur Vir doctissimus, verum rem universam, quam demonstrandam suscipit, meris probabilitatibus niti, fatebitur. Mentis piorum Dæmones fieri Gentiles credebant, & postmodum cuilibet hominem custodiendum assignabant. Exinde figmentum de Angelo tutelari ejusque cultu ortum. Vid. Sontagii Sicil. I. de Spectr. p. 4. Jam, quod ad cultum Angelis præstitum attinet, videndus omnino erit B. Joh. Tob. Major in dissert. de Natura & cultu Angelorum ubi §. CXIII. sq. ad superstitiosorum argumenta respondet, qui vel ideo Angelos divine mactarunt honore, quod Legatorum munere fungantur, Legatus autem sit locum tenens legati. Ipse Plato Angelos, seu Dæmones genus aërium tertiam atque adeo mediam obtinens sedem vocat, interpretum sive internunciorum munus sustinens, precibus colendum, prosperorum successuum causa. Clariùs Apulejus de Deo Socratis pag. 786. *Sunt quædam divinæ mediæ potestates inter summum æthera, & infimas terras, in isto intersita aëris spatio, per quas & desideria nostra & merita ad Deos commeant.* Hos græco nomine δαίμονες nuncupant, inter terricolas cælicolasque vectores, hinc precum, inde donorum, qui ultro citroque portant, hinc petitiones, inde suppetias: ceu quidam utriusque interpretes & salutigeri. Nos duo notamus. Primum gentiles quicquid de Angelis in locis allegatis similibusve dixerunt, ex commercio cum Judæis didicisse, vel per κακοζήλιαν Satanæ imita-

§ VI.

Oleam & operam perdunt, qui Idolorum veritatem uni eidemque causæ assignare contendunt. Non enim dubium est, Diabolum pro eâ, quâ pollet, versutia, homines sub diversis cœli plagis viventes modo hac modo alia via à vero Deo abduxisse, ad sui que cultum incitasse. Ad fœdissima ante omnia miseros mortales pellicebat peccata, quæ densissimæ in intellectu tenebræ, & turpissimæ in voluntate concupiscentiæ excipiebant. Deinceps notitiam veri Numinis per contemptum verbi revelati, quem continuò sva-
debat, sensim sensimque obliterabat. Cum autem ideam de Dei existentia innatam delere minimè valeret, ipse verò fastu pariter, ac invidia tumeret, creaturas pro Numine terricolis obtrudebat. Hoc pro ratione Tempera-
mentorum, Regionum, vitæ generis, & victus, aut amictus indigentia dispari planè modo tentavit & præstitit. Barbaros ita quidem delusit, ut sub variis imaginibus & nominibus Principem tenebrarum Dei loco vene-
rarentur

tos fuisse. Deinceps vocabulum *Δαίμων* interdum apud Philosophos & Poëtas Ethnicorum in sensu bono, nunquam autem in N. T. nisi in sensu malo occurrere. Quapropter Christiani de Angelis quoties scribunt, eodem abstineant, nisi cum Bodino & talis farina Naturalistis imperitis fucum facere, venenumque perniciosarum opinionum cò facilius Lectoribus propinare velint.

(**) Angelos bonos in statuis unquam oracula dedisse, perperam Clericus cum Spencero & citra scripturam sacram asserit. Quin, Autor Anonym. *Suite de la Response a l'Hist. des Oracles* P. II. Cap. XIII. pag. 354. sqq. multis rationibus è Scriptura S. & Scriptoribus profanis petitis statuas nunquam Oraculorum vicem sustinuisse evicit. Statuarum quidem futurorum præsciarum, *Mercurius Trismegistus* apud August. de Civ. Dei L. VIII. Cap. XXIII. mentionem injicit; ast respondet Anonymus l. c. p. 373. Trismegistum, quem pro Ethnico habet, indicasse, diabolos statuas incolentes per Pythones futura prædixisse, ita, ut statuis istud tribuatur, quod à Cacodæmone per Pythones præstitum fuit. Quomodocunque ista sese habeant, Angelos nunquam Oraculorum loco mortalibus fuisse, existimamus. Deus severissime usum eorum prohibuit. Neque ea in parte Clerico assentimur, quod Angelorum cultus Idololatriæ ansam dederit, siquidem certum est, hunc potius speciem, quam causam illius fuisse.

rarentur, ejus rei Hostiæ humanæ (*) incestus, scortationes in templis pe-
 ractæ, & similia detestanda facinora fidem faciunt. Moratiores, quos vo-
 camus Gentes, variis S. paginæ historiis infabulas conversis ita decipiebat,
 ut solem & lunam sub mille nominibus Idololâtricis adorarent, vel, si uni-
 cum Deum dari agnoscerent, verum tamen & in scriptura S. revelatum
 non reciperent, Judæos potius, & Christianos, quorum ministerio ex cimme-
 riis istis tenebris eripi potuissent, trucidarent, quia, omnia salutis media sper-
 nerent. Nolumus tamen à solo Diabolo Idololatriam derivare, probè intelli-
 gentes, ipsam naturam corruptam tantî criminis ream esse, mortalesque pro-
 pria culpa Dei notitia excidisse. Modus autem quo istud peccatum deploran-
 dum perpetratum diversus. Quæ cum ita sint *Matthæi Petitdidieris* sen-
 tentiæ accedimus, qui *dissert. Historic. Critic. Chronol. in sacr. Script. V. T.*
dissert. XVI. Idololatriæ originem parum certam esse monuit.

§. VII.

Primas divitias in numerofo grege ovium, arietum, taurorumque
 homines reponebant. Moses sane in enarrandis opulentorum facultatibus

B 2

pecu-

(*) De more homines immolandi vid. *Basnagium antiq. Jud. T. 2. pag.*
 606. sq. Celeberr. *Lochneri Papav. ex omni Antiq. erut. pag. 149.*
 152. seq. *Gregor. Michaël. ad Gassarell. p. 104. sq. B. Dietrich. P. II.*
in Libr. Sapient. p. 361. sq. Sartor. de Hypocr. Gentil. circa cult. De-
orum pag. 9. sq. Andr. Beyeri Addit. ad Seldeni Synt. de Diis Syris
p. 249. sq. & plures alios Cl. Joh. Jacobo Schudt Lib. II. vitæ Jephthæ
Cap. XXVI. p. 307. sqq. laudatos. Originem immanis hujus sacrifi-
 cii Apologia nostra A. C. exinde deducit, quia fortassis audierant
 quandam humanam hostiam placaturum esse Deum toti generi humano.
Christophorus Pezelius P. III. Arg. & resp. Theol. p. 213. tribus causis ad-
 hunc furorem incitatos fuisse Ethnicos, asserit. Primum κακοῦνησις
 exempli Abrahæ, (id quod etiam contra Marshamum *Claud. Frasse-*
nus disquisit. Bibl. ad Genes. defendit) deinde, quod obscuram famam
 promissionis de ventura victima retinuerunt, videlicet de Christo mor-
 te sua placaturo iram Dei. Postremò, quod ex ritibus sacrificiorum,
 quæ ex opere operato putarunt, placationem esse iræ divinæ, falsò
 ratiocinati sunt. Nos Apologiæ A. C. minimè contradicimus: Dia-
 bolum tamen homicidam fuisse ab initio, vel ex hoc capite cogno-
 scimus, is enim cæcos idololâtras seduxit. De variis Spurcis, quæ
 in Sacris suis admiserunt Gentiles, Vid. *Dn. D. Zeibichii dissert. de Ἀλό-*
γοις Gentil. Sacr. N. XI. p. 25. sq.

pecudum ab initio statim mentionem facere solet. Sic de Abrahamo legimus, quod fuerit *gravis valde i. e. abundans pecoribus* Genes. XIII, 2. & Eliezer coram Labano & Bethuele Herum suum extollens de jumentorum multitudine citius, quam de auri argentique copia differit Gen. XXIV, 35. Quem quæso latet ante pecuniæ usum mercedum permutationem obtinuisse, & pecora æris signati loco fuisse, ita, ut adhuc hodie *pecunia à pecu* dicatur? Vid. Barthol. Beverini Syntagm. de Ponderibus & mensuris A. 1711. editum statim ab initio, ubi de origine pecuniæ agit. Neque apud Patriarchas eorumque familias solum pecudes in magno erant precio, sed etiam apud alias gentes, quas Barbaros vocamus. Arabes, quoties pauperem describere cupiebant, *eum neque agnum neque agnam possidere dicebant*, vid. J. C. Blumii Pent. I. Animadv. sacr. p. 15. sæpe numero pro! contingit, quod miseri mortales nimio amore creaturas atque caduca caducæ hujus vitæ bona complectantur, Creatoris verò omnium bonorum fontis penitus obliviscantur. Credibile igitur est tantam dementiam homines profanos post diluvium cepisse, ut invisibilis Dei obliti pecorum greges sibi tam proficuos unice dilexerint, & in numinis locum substituerint. Quapropter si quid conjecturando valemus, animalium cultum idololatriæ aut ansam dedisse, aut primam saltem istius speciem fuisse, hariolamur. Apud Ægyptios certè superstitiosa brutorum veneratio Josephi ævo jam invaluerat, inde, qui carne eorum vescabantur, *abominationi illis erant* Gen. XLIII, 32. XLVI, 34. Exod. VIII, 26. (*) Nonnulli usus, utilitatisque causa, Eusebii verba sunt L. II, de præpar. Evang. Cap. I. multa ex animalibus in Deorum numero apud Ægyptios suscepta contendunt. Bovem enim tam partu suo quàm arandi opera conducere. Oves autem & parere, & tegumentorum materiam præbere, & lacte & caseo alere. Ca-

nem

(*) Ita, præter Job. Spencerum, hæc loca explicant Theologi nonnulli Nostratium. Vid. Job. Henr. Ursin. Adv. S. in Passion. Historic. & Agn. Paschal. p. 326. Joach. Hildebrand. Antiq. ex Scr. S. Select. p. 15. sq. Celeberr. Dn. D. V. E. Læschéri Origin. Relig. manipul. T. VI. §. 4. Unsch. Nachr. MDCCII. p. 835. Alii cum Bocharto ideò Ægyptiis pastores abominationi fuisse conjiciunt, quod in Ægypti Bucolium plurimi prædonum vitam agentes confluerint, vel cum Sam. Basnagio non omnibus Regni hujus incolis adscribere audent, quod saltim de sedem regiam incolentibus ad mentem ipsius pronunciatur.

nem (*) verò una cum hominibus venerari & ad custodiendos homines natum esse : Quapropter Deum, qui apud eos Anubis appellatur, caninum habere caput. Huic animalium cultui sapientissimus Deus obviam ire cupiens Israëlitis ex eruditorum quorundam mente carnis usum indulgit, ne temerè adorarent, quod comederent. Quod, si sua luce radiaret, homines ante

B 3

dilu-

(*) Ægyptios canem divino honore affecisse, multi philologi memoriæ prodiderunt. *Jac. Basnagius Antiq. Jud. T. 2. pag. 616.* nomina de astrorum *Kiion*, & *Remphau* de canino cultu explicat ad Juvenalis verba provocando :

Oppida tota canem venerantur.

postmodum addit : Les chieus précèdoient la pompe dans les fêtes d'Isis, à la quele on les avoit consacrez, cet animal fidele emportoit, dit Plutarque, les premiers honneurs en Egypte, mais il de chut d'un état si glorieux lors, qu' il sejetta sur le Boeuf Apis que Cambyse avoit tue ! Putat igitur canum venerationem post Apiscultum introductum desisse. Superstitionis hujus max. Reverendus Dn. Urb. *Gottfried Siberus de cane è templo exterminando* dum egit, haud immemor fuit. Notat enim ex *Strabone & Eusebio Casariense* Ægyptiis usitatum fuisse, ut oppidis suis ab animantibus penes se deorum loco cultis nomina darent, unde à cane *Cyno* nomen acceperit, & integra præfectura *Cynopolitana* canis, & Anubis cultu celebris fuerit. Ex Herodoto splendidissimas canum exequias memorat, aliaque notatu digna profert in eam demum descendens sententiam ; Ægyptiorum magos non adeò stolidos fuisse, ut canem venerantur, sed arcanam potius hujus cultus causam extitisse, quàm *Ælianus Hist. Lib. X. Cap. 45.* panderet asserendo, *canem Ægyptiis ideò sacrum, quod astro cognomine oriente Nilus fecunditatis parens excrescat, pingvedineque sua omnem campum ad fertilitatem provocet.* Vid. l. c. §. XI. p. 21. Idem ante illum *Joh. Chr. Wagenscil observavit Exerc. var. Arg. Exerc. I. p. 47.* scribens : *Canis id tributum, ut inter fixa sidera primo loco poneretur, imò apud Ægyptios Hespero quoque prælata ejus stella, Isidisque, quæ cum Osiride supremum iis Numen erat, nomine fuit insignita.* Nec minus iisdem, *Anubin* Osiridis filium, canino capite, ceu vel in Obeliscis qui Romæ supersunt, cernere est, figurabant, quem exinde latratorem *Virgilius* vocavit. Conf. *Selden. de diis Syris p. 17.* & *Bey-*

diluvianos à carniū comestione abstinuisse, probabile esset, sed istam hypothesis, quo minus recipiamus, multa obstant. (*)

SECTIO II.

De origine cultus Serpentum in specie.

§. IIX.

R Eliqua inter animantia Dracones & serpentes sanctè colebantur. Phœnices atque Ægyptii dubio procul primi illis divinitatem assignarunt. Discimus hoc ex *Eusebio*, *Justino Martyre*, *Clem. Alexandri-*

eri Addit: p. 229. sq. *Socratem* canem pro deo venditasse, quidam tradiderunt, non defuerunt tamen illi defensores, contendentes, virum sapientissimum homines superstitione demersos modo derisisse, eosque hoc modo à vanitate illa abducere laborasse. Plerisque Ethnicis, si non divinum, sacrum tamen animal fuit canis, atque ad sacrificia frequenter adhibitum. *Cane, universi, ut sic dicam Græci, usi sunt, & etiamnum ex parte utuntur, ut victima expiationis*, *Plutarchus* inquit. Vid. *Matth. Zimmerm. Analect. mensr. mensr. III.* p. 134. sq.

(*) Obstat dominium hominis universale in res creatas, differentia jam ante diluvium inter bestias observata, licitus carniū esus post diluvium, & cum primis sacrificia hominum ante diluvianorum. Quis enim dubitet, patres primævos pastos esse reliquiis sacrificiorum ex animalibus puris peractorum. Evolvat B. Lector summè Rev. Dn. D. *Deylingii Obs. S. P. II.* p. 51. *Balth. Bebelii Hist. Eccl. Noachicæ Art. VI.* p. 80. sq. & imprimis *Cel. Danzii dissert. de Creophagia ante diluvium licita* Jen. 1709. Quin etiam in statu integritatis carnibus usi fuissent homines, si modo in eo perstitissent, vid. dissert. nostram *de uno eodemque genus humanum in statu integritatis & statu lapsus propag. modo* §. VII. p. 10. Errat proinde cum Grotio Clericus. Errat cum reliquo Pontificiorum cohorte Autor *du Traité des dispenses du Carême*, contendens, carniū usum homini nec naturalem, nec absolutè necessarium, & quidem ideò, quia Deus antediluvianis illius usum non concesserit.

xandrino aliisque Patribus. Persii verba digna sunt, quæ è Satyr. I. huc transferantur :

Pinge duos angves, pueri, sacer est locus.

Ægyptios Græci imitabantur, Apollinem (*) Delphicum sub serpentis figura adorantes. Provoco ad Criticum sui Temporis acutissimum, Danielem nimirum Heinsum, cujus verba in *Aristarcho* S. p. II. ita fluunt : *Non dubitandum est, quin Pythius Apollo, hoc est spurcus ille spiritus, quem Hebræi Ob, & Abaddon, Hellenistæ ad verbum Απολλύων, ceteri Ἀπόλλων dixerunt, sub hac forma, qua miseriam humano generi invexit, primo cultus in Græcia.*

§. IX.

*Richard Mead, (**)* medicus præstantissimus & societatis Regiæ Anglicanæ Socius, in *mechanica Relatione de venenis*, quæ prima vice An. MDCCII. altera

(*) Variis sub nominibus & figuris Apollinem cæci gentiles honorarunt. Recentiores Solem sibi concipiunt, quoties de Deastro hoc, quocunque demum nomine veniat, aliquid legunt, quorsum referas, quæ de virtute ejus medica passim occurrunt vid. *Joh. Sauberti Prodrom. Philol. sacr.* p. 88. *Christ. Cellar. diff. Acad.* p. 232. Pythius vocatus est ex sententia nonnullorum ob serpentem multum nocentem à se occisum vid. *Ovid. L. I. metamorph.* v. 445. malum ideo nomen hoc sortitum esse, quia sub serpentis imagine apparuit, & effectus est. Forsan etiam responsa, ceu serpens, è caverna in ventrem Pythonissarum exhibilavit, unde talis farinæ mulierculæ Pythonissarum nomen adeptæ sunt. Πυθών fanè idem notat ac *serpens*, quòd secundum Strabonem à πυνθάνομαι, juxta alios autem à putredine, ex qua serpentes nascuntur, descendit. Cæterum Apollo quoque sub forma & habitu muliebri pingebatur. Ita in marmore antiquo Apotheosin Homeri sistente, si rectè conjecit Cl. Jo. Carol. Schottus, exhibetur. Statuam Apollinis in insula Delos, prope locum, in quo magnificum ejus templum stetit, invenit *Jacobus Sponius*, quam ob magnitudinem & raritatem descripsit. T. I. *Voyag. d' Ital. de Dalmatie, de Grece & du Levant.* p. m. 136. sqq.

(**) Haud licuit nobis ipsum Librum Richardi Meadi inspicere, usi sumus recensione *Ephemeridum Parisiensium Amstelodami recusarum* de Anno MDCCIX. mens. Novembr. p. 367. sqq. quam B. Lector adeat.

altera verò auctior A. MDCC VIII. lingua Anglicana prodiit, Exerc. I. viperarum venenum describens, de ΟΦΙΟΛΑΓΕΙΑ quædam monet. Statuit, antiquos credidisse, serpentes unicè à divîna Nemese in pœnam hominum productos esse, eosque ne veneno, aut morsu nocerent, sacrificiis & aliis ceremoniis placasse. Quæ si firma sunt, metus viperas Deos fecit. Accedit ignorantia veterum, quibus natura & structura reptilium animantium non satis cognita fuit. Sed, quo minus experientissimo Mead assentiamur, Historiarum monumenta prohibere videntur, affirmantia, veteres serpentes nequaquam timuisse, cum iisdem potius temporis fallendi causa lusisset, quin imo antidoto quodam instructos fuisse, quo venenum omnesque nocivos morsus avertere potuerunt. Accedit & hoc, quod non tam ob avertenda mala, (*) quàm afferenda bona Deos sub serpentum forma effictos invocaverint.

§. X.

A serpente primorum hominum seductore, tristicique Protoplastorum lapsu, serpentum venerationem deducere nonnulli minime verentur, ad serpentem in *Orgiis* (**) mysticum provocando, sveltamque furibundorum hominum

Prima Editio recensetur in *Actis Erudit. Lips.* An. MDCCIV. mens. Mart. p. 131. sq.

(*) Minimè tamen inficias ire volumus, timorem interdum idololatriæ ansam dedisse, sed potius cum summè Rev. Dn. D. Buddeo asserimus; *Ineptum & servilem metum in superstitione utramque haud rarò facere paginam.* Homo meticulosus quidlibet facile pro quolibet arripit, & ipsum Diabolum pro Deo colit, modo à metu suo ea ratione ut cunqve liberari queat. Vid. ejusd. *Theses de Atheismo & Superstit.* Cap. X. p. 774. Multi populi Diabolum, ne sibi damnum inferret, venerati sunt, & adhuc venerantur. Moderni Orientis incolæ *Calecutenses* in India orientali, *Siamenses*, *Japanenses*, *Chinenses* ex parte, Europæi quoque veteres noti sunt. Postremi, *Tybellini*, *Zernebochi*, *Zuttiberi* nominibus neminem, nisi Diabolum, intellexerunt. Vid. *Joh. Christoph. Wolffii Manichæism. ante Manich.* Sect. II. p. 92. sq. p. 101. sq. *Arnkien Cimbrische Heyden-Religion* Cap. XIII. §. I. p. 83. sq.

(**) Orgia sacra inter Ethnicorum Festa non postremum obtinent. Vocantur ἀπὸ τῆς ὀργῆς à furore, quia mulieres furore correptæ ea peragebant, vid. *Paul. Stockmanni Elucid. Deorum Dearumque Gentil.* pag.

minum vociferationem *Evæ* prima mortalium matre *Eva* petitam, vid. doctissimi *Laurent. Begeri Disquisit. Antiquariam de Nummis Cretenſium Serpenteris* p. II. & conf. *Nicolai Görtleri Origin. mundi* p. 188. ſq. ubi *Bacchica* ſacra à *Baccho* ipſo, quem pro *Chami* filio habet, in *Lapſus Evæ* recordationem, ſine turpibus ceremoniis primitus inſtituta, credit. Eadem eſt *Clementis Alexandrini* ſententia, cui tamen contradixit in noviſſima editione *Job. Potterus*, obſervans, vix fieri poſſe, ut hæc ſententia ſe doctioribus probet, ſiquidem *Evæ* nomen non ſolùm aspirationem ſibi apud Græcos depoſcat, ſed etiam, *Hefychio* teſte, *Ἐὐὰν* ſit *ὄλισσος ὑπὸ ἰνδῶν*, quâ herba, ut eſt in fabulis, *Bacchus* coronatus fuit. Vid. *Act. Erud. Lipſ.* MDCCXVII. *Menſ. Mart.* p. 98. Sicut idoneis argumentis nondum evictum eſt, *Ethnicos* obſcuram quandam de *Lapſu* notitiam habuiſſe: ita multo magis hæremus illis aſſurgere, qui exinde ſerpentum cultum derivare ſatagunt. Si enim *Ethnicos* haut latuiſſet, quanto cumulo miſeriarum *Diabolus*, angvis ſpeciem aſſumens, genus humanum oneraſſet, ſerpentes magis execraſſent, quàm idololatricè honoraſſent. In eo autem omnes conſentiunt, fauſti ominis ergo, veteres in hanc ſuperſtitionem conſeſſiſſe, & nescio, quid boni & divinitatis ſub animalibus ſæpè memoratis latere ſibi perſuaſiſſe.

C

§. XI.

64. ſq. vel ab ira quæ *Görtleri* l. c. ſententia eſt, quaſi ad iram *Numinis* ſerpentis ſeductione provocatam reſpexerint. Idem vir doctus mala punica de fructu vetito, ingentes verò clamores de lacrymis & ejulatu hominum lapſorum interpretatur. *Orgia Bacchi* ab *Ægyptiis* in Græciam *Orpheus* tranſtulit, quæ *Orphica* ab eo dicta ſunt. Num in illas mundi creatio, hominisque effictio adumbrata ſiſtatur? *M. Amand. Gotthold Fehmelius diſſert. de Catacumbis Romanis* (inter quarum picturas *Orphei* imago admodum frequens) §. VIII. p. 18. ſq. indagavit. *Lapſus* Gentiles haud adeò ignaros fuiſſe, *Petr. Dan. Huetius demonſtr. Evang. Propoſ. IV.* §. VI. p. m. 255. ſq. ſtatuit, ſerpentemque malorum aureorum cuſtodem ſerpentis ejus, qui *Evam* ad peccatum pellexit, ſymbolum fuiſſe, maniſeſtum eſſe putat. Quæ dum in chartam conjicio, *Hadrian. Relandi de Relig. Mohammedica Liber multa* eruditione reſertus ſeſe mihi offert, ibi L. II. p. 134. ſequentia legas: „Arabes appellant ſerpentem *Satanam*. Quod ideò adſcribo, ut veſtigium deceptionis primorum parentum per *Satanam* forma, ſerpentis indutum in *Theologia Mohammedica* oſtendam, nec in, *Mohammedi* ea tantùm, ſed & ante *Mohammedem*. Tunc enim *Diabolum* nomine ſerpentis appellarunt, & crediderunt *Zabii Dæmones*,

§. XI.

Dantur viri præstantissimi, cultus hujus primordia à serpente æneo(*) Num. XXI. Dei jussu à Mose erecto derivantes. Ipse Vossius L. IX. de Theol. Gentil. Cap. XI. p. 235. scribit: *verisimile est, aliquid etiam momenti attulisse, quod Deus ipse per Mosén in deserto erigi jussérít serpentem.* Philippus Camerarius Oper. subcisiv. Cent. II. Cap. IX. pariter in isthac opinione versatur. *Cultus sanè serpentum, inquit, sive draconum olim frequentes fuisse, sumto forte exemplo à serpente Mosaico, constat ex multis historiis.* Neque à Camerario discedunt Christ. Cellarius, & Mr. de Boze, ille, P. I. dissert. Acad. p. 241. hic, in dissertatione *sur le culté que les Anciens ont rendu à la déesse de la Santé* (Paris. prodiit 1705. in 8tav.) Consentit Cl. Doppertus Observ. Philolog. de Christo per serpentem æneum præfigurato, asseverans; ab erectione serpentis inter Zalmonæ loca petrosa, & arida commodâ viâ deduci posse solenniorem serpentum cultum, & venerationem, quæ orientis pariter, ac occidentis plagas pervasit, &, ne majores nostros intactos reliquit, vid. *Miscell. Lips.* T. I. p. 68. sq.

§. XII.

„in serpentes transformatos, uti in libro αἰνεδότης de moribus Arabum
„ante Mohammedem Cl. Warnerus observavit.„

(*) De Serpente æneo paradoxa Francisci Burmanni, & Campegi Vi-
tringæ sententia nota est. Audiamus hunc P. II. Observ. sacr. Cap.
XI. sequentem in modum differentem: *Momorderant Israëlitæ ser-
pentes igniti, multi ex morsu vel halitu moriebantur, hoc significabat,
statum illius gentis præsentem, quo plurimi erant, qui per Diabolum
seducebantur ad mortem. Deus verò serpentem in altum erigi jubet ad
peticam, & quidem serpentem æneum, cæteris similem, mortuum ta-
men, ut videtur, & viribus suis privatum, ut eos erudiret, instare tem-
pus, quo Diabolus in crucem agendus erat, una cum Dei filio in cruce oc-
cidendus viribusque suis privandus.* Robur asserto huic dictis Col. II,
14. 1. Pet. II, 24. Rom. VI, 6. conciliare conatur, sed irritò suc-
cessu, cum Christus, Joh. III. expressis affirmet verbis serpentem
istum sui typum fuisse. Profana neque Marshami opinio nos la-
tet ad exemplum Ægyptiarum præstigiæ, sanctiore tamen instituto,
serpentem æneum formatum in Castris Israëlitarum excitatum fuisse de-

§. XII.

Sagacitatem & prudentiam (*) Serpentum incauti mortales nimium admirati, & demum eò erroris delapsi sunt, ut divini quid reptilibus istis inesse crederent. Phœnices sanè & Ægyptii eximiam modo celeritatem, modo longævitatē & renovationem laudabant. Vid. *Eusebium de præpar. Evang.* L. I. Cap. VII. Prisci Asiæ incolæ vel ideò à serpentibus originem suam deducere malebant, ut ostenderent, se non navali solum potentia, &

C 2

peri-

fendentis. Vid. *Hermann. Wittsii Ægyptiaca* L.I. Cap. IX. p. 49. Dignus sanè, cujus impietatem profligaverit summè Rever. Dn. D. Deilingius P. II. *Obs. Sacr.* p. 157. sqq. Rectè utique *Wittsius* l. c. L. 2. Cap. 8. p. 113. quicquid hic factum est, non est factum ex cantatione aliqua, quippe quæ se verissimè Deus interdixit, sed expressio Dei mandato, non malis Diaboli artibus, sed divina omnipotentia piis Mosis precibus in Israel. auxilium sollicitata, non ad exemplum præstigiæ, quas viderat Moyses in Ægypto, sed in typum Christi. Cæterum, quo sensu serpens iste æneus Christum præfiguraverit? vid. egregie demonstrantem *Dan. Fesselium in Christo mystico* P. I. p. 331. sqq. adde *Pet. Dan. Huet. demonstr. Evang.* Prop. IX. pag. 1153. sq. *Georg. Mæbii dissert. de serpente æneo* Lips. 1686. *M. Henr. Scarban. dissertat. philol. de serpentis ænei significatione mystica* Lubec. 1714.

(*) De *Angve terrestri* referunt Physiologi, quod sit naturæ frigida, & sicca, & quod paucum habeat sanguinis, quamvis fel, in quo virus latitat, calidum esse constet. Hinc est, quod tempore hyemali in cavernis & latebris delitescat, & in infima terræ penetret, æstate verò in superficie versetur. Tres potissimum naturæ serpentinae proprietates veteres mirati sunt. Prima, quod corium mutat. *Tertullianus Libr. de Pallio* Cap. III. *Serpens*, inquit, *quod sortitus est, convertit corium, & ævum. Si quidem, ut senium persensit, in angustias se stipat, pariterque specum ingrediens, & egrediens ab ipso statim limine erasus exuviis ibidem relictis novus se explicat cum squamis, sordibus induratis, & anni recusantur, i. e. rejuvenescit.* Altera est, ut si quando ab homine petitur, caput tantum custodiat, reliquum verò corporis totum exhibeat. Tertia, quod ad fontem bibendi gratia tendens virus in felle delitescens prius evomat, quàm eum accedat, ne ex aquis illis bibentes toxico inficiat. Sit fides harum rerum penes veteres Physicos nimis interdum credulos. Hebraicum vocab. *אֲנָק* nonnulli à radice *אִנַּק* exploravit, Græcum verò

peritia excellere, sed & viros alere omni ex parte Heröes. Vid. *Begeri disquisit. de Nummis Cretens. serpentifer.* Alex. M. gloriari non erubuit, Olympiam matrem à Dracone sub specie Jovis Ammonis compressam, ex illa se genitum esse. *Justinus* L. XII. perhibet, Olympiam, nocte, quâ filium tam celebrem concepit, visam esse per quietem cum ingenti serpente volutari. Unde insignia Alexandri fuere angvis, id quod ex gemma patet, cujus explanationem è diario Trivoltienfi petitam in *Novellis Literariis* An. MDCC XV. Lipsiæ edi coeptis N. I. p. I. sq. haurire possumus. Quæ, cum ita sint, illi sese nobis probant, qui *Draconum aut serpentum cultum à nimia admiratione sagacitatis, & prudentiæ horum animantium ortum esse, contendunt.* Cui utique infernalis Proteus sese immiscuit, superstitiosos in tanta impietate vel ideo confortans, ut Oraculum Dei falsum redderet, quo pronunciaverat: *Ponam inimicitiam inter serpentem, & mulierem atque semen ejus,* quæ erudita Maximè Rever. Dn. *Philippi Olearii* conjectura est, *dissert. de 'ΟΦιολατρεία* §. III.

§. XIII.

Haftenus de origine cultus serpentum nefandi egimus. Ad alia nunc descendamus, gentesque superstitionis adeò turpis puteo immerfos in scenam producamus, ipsiusque cultus abominandi rationem exponamus. Quod si præstiterimus, de *Existentiâ* (*) idololatriæ serpentinæ nulli Lectorum dubium nasci poterit.

CAP.

ὄφης ab ὀφθαλμοῖς video, vel prudenter circumspicio, derivare laud verentur. Salvator optimus prudentiam serpentinam Matth. X, 16. ipse extollere videtur. Vid. utique *Sam. Boschart. Hieroz.* P. I. L. I. Cap. IV. P. II. L. I. Cap. IV. col. 20.

(*) Cum hodie Athei, alique pessimæ farinæ homines, integris in eorum gratiam Apologiis editis, excusentur, quin, ipsa vitia turpissima laude paradoxa evehantur, quid mirum? & Ethnicos serpentes venerantes à superciliosis quibusdam defendi, objicientibus, angves, priscis mortalibus non Deorum, sed symboli modo loco fuisse, sub quibus aut verum Numen religiosè adoraverint, vel virtutes præstantissimas methodo hieroglyphica commendaverint. Videant isti, quomodo Paulo Rom. I, 23. respondeant. Nos Existentiâ impietatis hujus in capite jam subsecuturo secundo, ejusque potissimum Sectione posteriori palam faciemus.

CAP. SECUNDUM

SECTIO I.

de gentibus cultui serpentum assvetis.

§. I.

Augustinus Lib. III. *de Civit. Dei* Cap. XII. it. Lib. XVIII. Cap. XV. gentiles aves (*) serpentes, feles (**) crocodilos, quin & pestem (***) & febrem (****) aliaque his absurdiora pro Diis coluisse, queritur. Agedum, sistamus nonnullos Ethicorum è cohorte, quos tanta vecordia cepit, ut animal, sub cujus forma Diabolus omnem miserationum cumulum humano generi invexit, pro Deo habuerint!

C 3

§. II.

(*) Aquilas & Accipitres Ægyptios, vespertilionem Mexicanes, quas cunque primo mane occurrentes septentrionales nonnullos divino honore profecutos esse, *Vossius L. III. de Idolol.* cap. C. tradit. Samaritanos columbæ imaginem in monte Garizim erectam coluisse, Hebræorum nonnulli memoriæ prodiderunt, ast defensionem eorum *Cl. Hadrian. Relandus* suscepit, & imaginem istam telesina s. avem æneam à Romanis ibi constitutum fuisse, monuit P. I. *Dissert. miscellan. Dissert. III. §. 13.* Indi orientales magno in pretio aves habebant, prorsus enim ab esu & nece earum abstinebant, quin certa pecuniæ summa soluta ab aucupibus captis libertatem restituebant, vid. *Dn. D. Cypriani Cent. Hist. Anim. B. Franzii* P. II. p. 841.

(**) Felem unam ex præcipuis Diis Ægyptiacis fuisse è Diodoro Siculo, & Strabone notavit *B. Franzius Hist. Animal.* P. I. Cap. XVIII. conf. *Beyeri Addit. ad Selden. de Diis Syr.* p. 229. it. *Collinum* in libro famosissimo *de Cogitandi Libertate* p. 13. adversus quem vero Ægyptios *Phileleuterus Lipsiensis*, vel potius *Rich. Bentleyus* P. I. Animadversionum An. 1713. editarum excusat, vid. *Act. Erudit. Lips.* An. 1714. Mens. Jul. p. 314. In urbe Alexandria, nec, non Cairo, templà quondam in honorem felum exstructa fuisse è *Christophori Fureri* Itinerario Tzschimmerus refert in *der Durchl. Zusammenkunft* p. 249.

§ II.

Apud Ægyptios serpentem peculiari ratione consecratum fuisse, *Gisbertus Cuperus* [*] in Harpocrate ostendit. Juvenalis Satyr. XV. hisce, superstitionem Ægyptiacam risit:

Quis nescit, Volusi Bithynice, qualia demens,
Ægyptus portenta colat? Crocodilon adorat
Pars hæc: illa pavet saturam serpentibus Ibin:
Effigies sacri nitet aurea Cercopithecæ,
Dimidio magicæ resonant ubi Memnonæ chordæ,
Atque vetus Thebæ centum jacet obruta portis.

Eandem è patribus *Clem. Alexandrinus* L. III. *Pædagog.* Cap. II. deploravit:
„Apud Ægyptios templa, porticus, vestibula, ac luci magnificè extructi,
„& atria multis columnis cincta sunt. Parietes lapidibus externis & artifi-
„ciosè depictis resplendent, ita, ut nihil desit. Ædes auro, & argento &
„electro collucent, sed, si penetralia templi subieris, & imaginem, quæ tem-
„plum habitat, quæsieris, non invenietur Deus, qui quærebatur sub tanto
„appa-,,

(***) De Massiliensibus relatum legimus, unum ex pauperibus delicato cibo pavisse, quoties peste laboraverint. Quem deinceps verbenis & vestibis sacris ornatum per totam civitatem circumducebant, ac demùm ferali carmine immolabant. Vid. *Joach. Hildebr. Antiqu. Sel.* Sect. 2. p. 163. *Joh. Saubert. de Sacrific.* Cap. III.

(****) Febrim Deam Romani colebant, ne noceret. Valerium Maximum audiamus: *Ceteros quidem Deos*, inquit, *ad benefaciendum venerabantur, febrem autem ad minus nocendum, templis colebant: quorum adhuc unum in palatio, alterum in area marianorum monumentorum, tertium in summa parte vici longi extat.* Idem testatur *Plinius* L. II. *Hist. Nat.* C. VII. publicè febrim in palatio fanum erectum fuisse, asserens. conf. *Sartor. de hypocris. gentil. circa cult. Deorum* Cap. II. p. 25. sq. *Stockmann Elucid. Deorum Dearumque Gentil.* p. 99. *Selden. de Diis Syris proleg.* Cap. 3. p. 59. *Beyeri Additam.* p. 128. *Hildebrand. Antiq. Rom. Tit. Febris* p. 174.

[*] *Celeberrimus Cuperus* cum antiquariis nostræ ætatis omnibus de principatu contendens, Consul Daventriensis spectatissimus, anno elapso inter vivos esse desiit. Scripta ipsius limatissima bonam partem exhibentur in *N. Buchersaal* P. XXXI. p. 481.

„apparatu, sed crocodilus, vel serpens.„ Solebant serpentes & dracones Agathodæmonas vocare, eosque tanto studio venerari, ut Cicero dixerit: *firmiores apud Ægyptios opiniones esse de bestiis quibusdam, quàm apud Romanos de sanctissimis templis & simulacris Deorum* L. I. de Nat. Deorum. Πρώτον ψεύδον credulorum horum dubio procul fuit, divinitatem non per hominem tantum, sed per omnia animalia penetravisse (***) vid. Max. Rever. *Phil. Olearii diff. de Ὁφιολατρεία* §. VIII. ubi Herodoti, Æliani, Diodori Siculi aliorumque testimonia afferuntur, & conf. Celeberrimi *Fabricii Bibliograph. Antiqu.* p. m. 251. *Matth. Zimmerm. Analekt. mensr.* Mens. I. p. 50. sq. *Joh. Schræderi Apodix. Theologic. de Imaginibus ad habendum* Qv. II. §. 39. Recordabitur tamen Lector sub finem prioris capitis, nos monuisse, eruditos quosdam eam imbibisse sententiam, sapientiores Ægyptios neutiquam ipsos serpentes, vel alia animantia bruta religiosè coluisse, sed potius pro symbolis divinitatis & Deorum habuisse, lege *Olearii Dissert. laudatam* §. IX. & *Dn. D. Cypriani Cont. Hist. Anim. Franzii* P. IV. p. 3342. *Vossius* L. IV. de Orig. & progressu Idolol. Cap. LXIII. p. 121. cultum hunc prudentioribus symbolicum, simplicibus, ac rudibus proprium fuisse. Sed vereor, ne in cassum laborent, cum ad unum recidere videatur superstitio, an animal quoddam pro Deo, vel pro divinitatis symbolo habeam, atque sub isto Deum mihi falsum concipiam.

§. III.

Post Ægyptios *Phænices* [*] populi antiquissimi memorandi veniunt. De his *Eusebius* L. I. de *Præparat. Evang.* perhibet, *Deos suos sub serpentis specie sibi concepisse*, quin serpentes Deorum loco habuisse. Idem *Henr. Corne-*

(**) Multos veterum à *Spinozismo* i. e. illo errore, quo asseritur, mundum universum esse Deum, non immunes fuisse, certum est. Emanationem rerum creatarum ex essentia divina plures crediderunt, & per hanc viam ad crassissimam idololatriam delati fuerunt, conf. *Dn. D. Joh. Franc. Buddei Theses de Ath. & Superstit.* cap. I. p. 14. sq. Dolendum itaque, *Felgenhauerum*, & nostra tempestate *Dippelium*, aliosque errorem hunc fanaticum resuscitasse. Si enim omnes res creatæ pars quædam Numinis vocari possunt, nemo vitio vertet, Ægyptiis aliisque idololatriis, quod serpentibus divinum honorem tribuerint.

[*] *Phænices* *Isaaco* Patriarchæ nonnulli coævus faciunt, *Juachus* enim juxta sententiam eorundem, qui tempore *Isaaci* Regnum in Peloponeso constituit *Anach* s. *Enach* fuit, à quò ἀναξ & ἀναες in veteri Græcia,

Cornelius Agrippa L. II. de Philosoph. occulta Cap. XLV. Oper. T. I. p. 221. his verbis confirmat: *Serpentem Phœnices supra omnia animalia esse divinum animal putabant, atque ejus divinam naturam celebrabant.* Prope Tripolin, urbem Phœniciæ celebrem, macer campus fuit, in quo Posidonius scribit [verbis Strabonis utimur] visum fuisse serpentem mortuum, jugeri longitudine, crassitudine tanta, ut equites ex utraque parte existentes alter alterum videre nequiret, rictu eo, qvi hominem eqvo insidentem reciperet, exuviarumque squamam quamlibet clypeo majorem.

§. IV.

A Cretensibus quoque serpentes pro Numinibus habebantur, & vetustis Asiæ incolis imperii loco symboli erant, prout, *doctissimus Begerus* in dissertatione supra laudata *de Nummis* [*] *Cretensium serpentiferis* uberius demon-

Ab his Clericus Phœnicum denominationem petit, contendens populos hos dictos esse ab Hebraica voce עֲנַק, qua ratione Phœnices it. essent ac בני עֲנַק filii Anac. vid. *Comp. Hist. univ.* pag. 13. *Bartholdus Nibsius* Tract. Chorograph. Cap. IV. §. 27. p. 44. Phœniciam à Phœnice Neptuni nato dictam conjicit, vel à Φοίνιξ palma, cum ista regio palmetis olim abundaverit. Sumitur autem Phœnicia interdum latè, & hoc sensu Josephus scripsit, *Galileam ab occidente Phœnicia cingi*, propriè tamen ab occasu habet mare mediterraneum, ab ortu Syriam Cœlen, versus Boream à Seleucide per Eleutherum fluvium distinguitur, austrum versus ad Carmelum usque porrigitur. Conf. B. Chemnit. *Harmon. Evang.* T. I. Prolegom. Cap. VI. pag. 26. Incolæ Phœniciæ quondam à veri Dei cognitione remoti erant, qui vero Palæstinam propiùs attingebant, obscuram quandam per famam ejus notitiam haurerant. Et sic, ni fallimur, capiendum est, quando Marcus Cap. VII, 26. γυνῆς ἑλληνὸς ΣυροΦοινίσσας mentionem facit. Mulierem hanc patre Syro, & matre Phœnissa natam, ideoque Syrophœnissæ nomine insignitam fuisse B. Dorscheus *Comment. in b. l.* p. 517. existimat, ast rectius fortè Lyserus, quando scripsit: *Syrophœnissa appellatur, quia natione non erat ex Græcia, sed ex Phœnicia, quæ est pars Syriæ.* Syrophœnicia autem dicitur propriè illa pars Phœniciæ, quæ Tyro & Sidoni contermina. Nervosè omnino *Theod. Hackspanius*: Syrophœnissa ortum seu patriam indicat. Græca vel ἑλληνὶς religionem importat. *Not. Philol. Theol.* P. III, p. 213.

demonstravit, cujus coniecturas assensu suo firmare haud dubitavit *Joh. Harduinus* [* *] in *Nummis antiquis illustratis*, sub nomine μαρκιανοπολεῖων, p. 312. qui tamen ob sententias paradoxas eruditissimis passim vapulat.

§. V.

Judæos à serpentum cultu non alienos fuisse nonnulli verbis 2. Reg. XVIII, 4. suffulti asseruerunt. Ita vero textus sacer l. c. ex *Versione B. Sebastiani*

[*] Deorum suorum memoriam Veteres etiam in nummis sanctam servabant. Inde nonnulli Janum bifrontem, clavum Herculis & similia exhibent. Vid. *Philologi edecumati Justi Fontanini L. I. de Antiquit. Hortæ Colonia Etruscorum* Cap. VII. Alii vultus Imperatorum inter Deos relictos sistunt. Qvin, ἡν θεότης ad infimas res extensam fuisse, ex nummis patet.

[* *] An. MDCLXXXIV. *Joh. Harduinus* Parisiis edidit *Nummos antiquos populorum, & urbium illustratos* in 4. Hoc opus equidem insignis, & cui in eo genere nil par, aut secundum hæcenus prodierit, *Henricus Norisius* salutaverat, addiderat autem, virum philantropia deceptum non parem in nummaria Chronologia atque in Geographia laudem tulisse, vid. *Act. Erudit.* Lips. 1690. p. 438. Paradoxas inter sententias, quibus inclaruit, sunt, quas de Suppositione Autorum Antiquorum, & Genealogia Herodiadum proposuit. Plures dubio procul in scrinio pectore fovet reperiundas in spisso volumine, cuius editionem post obitum denuo pollicetur, vid. Celeberrimi *Joh. Burch. Menckeni* Charlataneriam *Erudit.* p. 34. Eruditorum de Jesuita hoc Judicia coacervare nolumus. Instar omnium nobis hac vice sit *Mr. Thémisseul*, famosi sub *Chrysostomi Mathanassii* nomine editi Operis conditor, cuius verba è T. I. *Memoir Littéraire*. P. II. p. 436 sq. benevolocum Lectore communicabimus. Ita vero ille: Le P. Hardouin est sans doute un savant homme, si on entend par savant un homme qui à lû beaucoup, & il n'y a point de Jesuite qui ne lui doive céder à cet égard: mais c'est un Critique singulier dans son espèce, & l'on est étonné de voir à quels excès bizarres & incompréhensibles, un homme d'esprit comme lui, s'est porté par rapport aux ouvrages les plus certains de l'Antiquité, en rejetant, par exemple l'Historien Joseph comme supposé par une Cabale de savans du douze ou treizième Siècle - - - Quomodo patres Ecclesiæ Veteris Atheismi accuset, Harduinus vid. l. cit. p. 403.

basiani Schmidii fuit: quin etiam contudit (Chiskijah) serpentem æris, quem fecerat Moses, eò, quod ad dies istos (fuerunt) filii Israël suffientes ei, vocaruntque eum *Neschuschthan*. Theologus summus, cujus versionem iam attulimus, haudquaquam in *Annot. brevibus* ad h. l. p. m. 259. exinde probari posse, contendit, quod ex hoc serpente Deum fecerint Israëlita, inter reliquias potius (*) eundem relatum fuisse, sibi aliisque persuadere conatur. Verum enim verò, utut concedamus, æneum serpentem in memoriam piam tanti beneficii, & forte typum etiam crucis Christi per temporis spatium illæsum servatum, itaque ab Afa & Josaphato regibus devotissimis divinoque Zelo plenis destructum minimè fuisse, tempore tamen labente in
offen-

(*) Contusus & destructus fuit serpens æneus ab Hiskia, haud secus, ac olim aureus vitulus à Mose, hæc est enim emphasis verbi חֲכָה *Jes. XXX, 14.* 2. Paral. XXXIV, 7. *Exod. XXVII, 20.* Pontificii tamen serpentem à Mose Dei jussu in deserto erectum in Ecclesia S. Ambrosii Milani reliquias inter servare & idololatricè colere *Humphredus Prideaux in Hist. veter. & Nov. Testamenti* monuit, castigatur verò à Mr. *de la Roche* T. I. *Biblioth. Angloise* p. 8. ubi sequentia in gratiam Romanensium adjecit: J' ai vu ce serpent, & je n' ai pas oui dire qu' on en fasse un objet d' adoration. Mr. Prideaux reconnoît que plusieurs favans de l' Eglise Romaine réjettent cette Relique. Pontificios in reliquiarum cultu nimium superstitiosos, imò credulos esse, Mr. de la Roche haudquaquam inficias ibit. Hodie, inquit *Georg. Cassander*, vir candidus, cum passim omnia reliquiis sanctorum plena esse videntur, verendum est, ne, si Episcopi & principes in veris reliquiis quarendis & dijudicandis, eam, quam debent, operam adhiberent, ingentes & detestanda imposturæ patescerent. Adeat modo Lector *Joh. Mabillonii* dissert. de cultu sanctorum ignotorum sub *Eusebii Romani* nomine ficto editam, cuius summam *Ephemerides Parisienses* An. 1705. p. 266. sqq. Edit. Holland exhibuerunt; nec non *Dan. Papebrochii Responsionem ad Exhibitionem errorum* &c. An. 1696. typis impressam Art. XII. §. 1. sqq. Nonne *Paulus Vergerius* Legatus Papæ in Concilio Tridentino falsus fuit, Romæ inter alias reliquias custodiri sonum primæ campanæ, quæ Romæ pulsata fuit, it. plumas ostendi ex alis Gabrielis Archangeli elapsas, cum ad virginem Mariam veniret? vid. B. *Joh. Meyfarti* diss. I. de Reliqv. & Statuarum cultu Cap. I. §. 6. Quis crederet, hominibus his absurdum videri, serpentem æneum adhuc inter reliquias servari, utut ab Hiskia destructum?

offendiculum periculosum, & idolum insigne degenerasse, ex verbis jam recitatis sole meridiano clarius patescere arbitramur, conf. *Dn. L. Olearii Dissert. de 'ΟΦιολατρεία* §. VI. p. 12. sq. & adde *B. Pfeifferi Dub. Vexat. Cent. III. p. 453.* Nomen *תנשנ* Deastro isti peculiare fuisse, *Pfeifferus* l. c. affirmat, sed minus accuratè, (id quod salvo honore piis manibus Theologi summi debito adjicere liceat,) habet enim formam deminutivam, ita, ut vi vocis Hiskias nihil magnum, nihil vivum, quod ab homine prudente coli, & observari debeat, in illo serpente esse, cum nihil aliud, sit quam vile quoddam æs, vid. *Olearium* l. c. *Petrus Cuneus* L. III. de *Rep. Hebr.* cap. IV. *Israëlis sobolem*, ut aliàs, ita etiam hoc in crimine *Ægyptiorum* turpibus vestigiis institisse putat, sed meritò hocce ob assertum *Jac. Basnagio* Tom. II. *Antiq. Jud.* Cap. IV. p. 481. sq. vapulat.

§. VI.

Neminem *Draconis* (*) *Babylonici* cultus latet, cuius mentio uberior, tum in scripto Apocrypho de *Historia Belis & Draconis*, tum in *Josepho Ben Gorionidis* (**) occurrit. Relationem Autoris Apocryphi in sacris pandectis sua sponte evolvat Lector, *Josephi* autem verba à Summè Rev.

D 2

Dn.

(*) *Dracones* serpentum genus esse, *Wolffg. Franzius Hist. Anim.* P. IV. Cap. V. p. m. 376. his verbis adstruxit: *Nihil sunt aliud, nisi serpentes valdè annosi & admodum aucti in quocunque genere, & idcirco non differunt à reliquis serpentibus nisi magnitudine.* Diversum tamen sentiunt *Sam. Boschardus Hieroz.* P. II. Lib. III. Cap. XIV. & *Gerh. Joh. Vossius Lib. IV. de Orig. & Progr. Idol.* Cap. LVIII. p. 112. Viri doctissimi & Philologi æstumati. Ponamus verò, *Dracones* minùs commodè genus serpentum vocari, ad animalium tamen horum seriem in sensu latiori poterunt referri.

(**) Operæ pretium fuerit, de *Josepho* hoc *Pseudo Gorionide* quædam monuisse. Habuerunt illum cum *Flavio Josepho* pro uno eodemque è *Judæis David Gansius*, è *Christianis Sebast. Munsterus*, & *Joh. Fredericus Breithauptius*, qui *Gorionidem* addita versione latina An. MDCC VII. nitidissimè prodire iussit. Ast præterquam, quod *Josephus* sc. L. II. de bello *Jud.* c. xxv. p. 822. ipsum disertè à *Josepho Filio Gorionidis* distingvat, eruditi clarissimi fraudem detexerunt, & pro supposititio agnoverunt, ex quorum cohorte iam unius alteriusve iudicium suppeditabo. *Gerh. Joh. Vossius* L. II. de *Hist. Græc.* cap. VIII. scribit: *multa aded dicit, quæ*

Dn. D. Majo P. III. Oecon. Judic. divin. cap. XVII. de Judicio Dei in Draconem Babylonicum, quantum instituti nostri ratio permiserit, repetemus. Ita
„veró ille: Fuit etiam illo tempore apud Chaldaeos Deus erroneus, Draco
„ingens, in spelunca quadam habitans, cui munus præparatum nocte objece-
„runt, quod ille diducto oris rictu excipiens pro more suo deglutivit at-
„que in altum se extulit, quasi ex antro prodire paululum volens, prin-
„cipes itaque ad Regem dixerunt: nunquid Daniel etiam isti Deo, qui Deus
„vivus est, illudere poterit, sicuti fecit Belo ejusque sacerdotibus, & al-
tari

Flavio Josepho, ac veritati ipsi repugnant. - - Gorionides iste non li-
brariorum culpa titulum mentitur, sed ipse, quantus quantus est, impostor
est. Josephus Scaliger ita de nostro: Inscitiam plus, quam judaicam pro-
dunt infinita in illius libris sparsa: quod David in Neapolitano agro
fuerit, quod multi veteres Patriarchæ aut Judices Hebræorum in Euro-
pa bellum gesserint. Impudentiam etiam portentosam cum imperitia in-
signi deprehendes. Vid. Epistolas philol. & historicas de Fl. Josephi
testimonio, cura Christophori Arnoldi editas p. 15. sqq. Julius Bartiloccus,
Bibliotheca Rabbinica conditor inclutus T. III. p. 799. ita differit. „Jo-
„seph. Ben Ghurion scripsit historiam antiquitatum, & de Bello Ju-
„dæorum libros quinque. Hic est alius à Fl. Josepho Hebræo, qui
„Græcè scripsit it. de Bello Judaico, & antiquitatibus Judæorum, à
„quò desumptum, & suffuratum est, quicquid ad veram historiam in
„hoc opere deprehenditur contineri. Itaque hujus libri autor videtur
„esse recentior, & inferioris admodum ætatis, quam fuerit Josephus
„Hebræus, sive Flavius, sive Ben Ghurionis, nam in Biblioth. Vati-
„cana extat Autoris codex M S C C pergam. sub num. 408. Audia-
mus etiam Wilh. Caveum Hist. Literar. p. 21. inquentem: Josephus iste,
qui dum nugas suas pro genuino Fl. Josephi opere apud populares suos
venditare voluerit, stolide hallucinatus, se Gorionis filium dixit, Ju-
dæus aliquis Gallicæ gentis. Ex agro Turonensi fuisse, & post annum
Christi sexcentesium scripsisse, videtur Scaligero. - Scripsit Hebraicè com-
pendium quasi quoddam F. Josephi Historiarum. Agmen claudat (ne
justo prolixiores simus) Celeberrimus J. Alb. Fabricius L. IV. Bibl.
Græc. cap. VI. p. 250. cujus verba dabimus: Cæterum eruditis hodie
Christianis plerisque dubium non est, Josephum huncce Hebraicum ex Græ-
co, vel potius Latina Josephi Græci versione, esse expressum, vel excerptum,
potius, nec Josephum ipsum auctorem, sed longè recentiore aliquem esse
qui pro lubitu digessit, addidit, interpolavit, omisit, ut ipsi videbatur.

tari, & mensæ cultumque illius sustulit? cur non etiam vires suas experi-
tur adversus Deum istum vivum? Certè si ipsum aggrediretur, Draco iste,
Belum, ejusque templum ac sacerdotes ulturus esset. Hæc ex versione D.
Maji supersedeo reliqua adscribere, modum tamen peculiarem, quo Da-
niel Draconem hunc debellavit, iisdem Josephi verbis subnectam: quare
simul ac à Rege digressus est, ferrea instrumenta fieri sibi curavit, pecti-
num instar, quibus linum carminatur, quorum terga sibi invicem conjun-
xit intrinsecus, tergum tergo copulando, ut aculei eorum foras promi-
nerent circumqvaqve limati & aculeati: quibus varias ciborum species,
circumposuit, nempe adipem, sebum, aliasque pinguedines: lituram quo-
que sulphuris, ac picis, ut ita aculei isti ferrei & dentes ferrati prorsus
occultarentur - - - : Hanc offam cum Daniel Draconi objecisset,
eam diducto rictu avidissimè excepit & devoravit. At ubi descendit ad
interiora ventris, & adeps pinguedinesque colliquefacta à ferreis aculeis de-
fluxerunt, ferratorum dentium acumina in Draconis viscera penetrarunt,
eaque perforarunt, Draco sentire dolorem & corruere cœpit, & altero
post die mortuus est. Hæc ex Josepho. Sed cum relatio illius cum scri-
ptoris Apocryphi S. Codici adnexa non conveniat, rem totam valde suspe-
ctam reddi Dn. Olcarius l.c. §.VIII. eruditè adnotavit. Quocunque modo sese
Historia ista de Dracone Babylonico habeat, (***) Dracones olim in tem-
plis

D 3

(***) Historiam de Dracone Babylonico pro genuina habuit, eamque
Danieli Prophetæ adscripsit *Pet. Dan. Huetius Demonstr. Evang. Prop.*
IV. p. 468. sqq. putat enim, hanc in Septuaginta Interpretum antiquis-
simis editionibus, quippe egregium Danielis pueri & juvenis factum ex-
ponentem, cum relatione de Susanna in fronte prophetiæ Danielis col-
locatam, à vulgato verò interprete Ebraici Exemplaris auctoritatem se-
cuto, ad calcem conjectam fuisse. Rejicit tamen eandem *Hieronymus*
in Proëmio *Comment. Danielis* Opp. T. V. p. m. 694. è recentioribus
pro spuria & supposititia venditant relationem de Dracone Babylonico
B. Abr. Calovius in *Oper. Bibl. German.* ut & *Joh. Seldenius* *Synt. II.*
de *Diis Syris* Cap. XVII. p. 364. *Quod ad Draconem Babyloniorum,*
inquit, in Apocryphis celebratum attinet, poëma sacrum historiolum il-
lam magis quis nuncupet, quam inter signata veritatis testimonia nume-
ret. Historiam de Dracone Babylonico parem cum *Libris Scripturæ*
S. Canonici auctoritatem obtinere, contra Pontificios negamus, de ve-
ritate tamen rei non adeò cum *Luca Osiandro* ambigimus, ita enim
ille ad h. l. *Denn es ist aus den weltlichen Historien bekannt, dafs*

plis & adytis educatos, & sumptibus publicis asservatos esse certum est. Babylonios quoque, regnante Cyro, Belum suum coluisse, Draconibusque divinitatem assignasse, magnif. Dn. D. Val. Ernestus Læscherus Orig. Religios. Manipul. II. §. XVI. docuit, & Deam cœlestem serpentem manutinentem Ethnicos hos repræsentasse ad mulieris semen serpentis caput conterens allusione facta, addidit, *Unsch. Nachr.* MDCCII. p. 673. sq.

§. VII.

Dracones & Serpentes *Romanos* religiosè coluisse, literarum monumentis consignatum est. Lanuvii sanè Draco sanctè adorabatur, prout ex *Propertii* Elegia de Cynthia, & Dracone inscripta apparet;

Lanuvium annosi vetus est tutela Draconis,
 Hic, ubi Tartaræ non perit hora moræ:
 Qua sacer abripitur cœco descensus hiatu,
 Qua penetrat virgo tale iter omne cave.
 Jejuni serpentis honos, cum pabula poscit,
 Annua & ex ima sibila torquet humo,
 Talia demissæ pallent ad sacra puellæ,
 Quum temerè angvino creditur ore manus
 Ille sibi admotas à virgine corripit escas,
 Virginis in palmis ipsa canistra tremunt.

Adeò serpentum ac Draconum amore capti erant populi isti fortissimi, ut inter signa (*) militaria illos habuerint, per singulas quippe cohortes Dracones

etliche Heyden die Drachen für Götter geehret haben. Und ist wohl zu verwundern, wie die Leute in solche Blindheit gerathen können, daß sie ihnen Schlangen und Drachen für Götter aufgeworffen haben, da doch der Teuffel als ein Feind des gantzen menschlichen Geschlechts durch eine Schlange unsre ersten Eltern, und also alle Menschen in den größten Jammer bracht hat, dazu noch auf den heutigen Tag ein Mensch erschrickt, wenn er nur eine Schlange ansichtig wird.

(*) Posterioribus demum temporibus Dracones inter signa militaria relati fuerunt, olim enim non nisi aquilæ simulacrum aureum hastæ præpilatæ suffixum à milite *aquilifero* inde dicto proferebatur. Vexillis præterea utebantur, quibus milites dispersos in ordinem redigebant,

cones à *Draconariis* ferebantur, Joh. Rosino teste *Antiq. Rom. Lib. X. Cap. V.* p. m. 722. conf. *Gurtleri Theol. Proph.* p. 580. *Hermannus Witfius* Spiritum S. Apoc. XII, 9. verbis : *conjectus est Draco magnus, serpens antiquus, qui vocatur Diabolus & Satanas* - - - *conjectus est in terram*, respicere putat ad serpentes & Dracones Æsculapio sacros, publicisque sumtibus in templis eius cultos, *Misc. sacr. L. III. Cap. III. §. 79. p. 689.*

§. IIX.

erat enim literis in illis consignatum, ex qua cohorte, vel qvota esset centuria. Vid. *Rosinum* cit. loco. Judæi pariter vexillis, tanquam signis militaribus, erant instructi, ita quidem, ut, si *Paulo Fagio* & *Thomæ Goodwino* fides adhibenda, singulis inscriptiones suæ fuerint distinctiqve colores, inqve vexillo Rubenis hominis, in vexillo Judæ Leonis, Ephraimi bovis, Dan aqvilæ imago apparuerit. Explicant quoqve nonnulli exinde verba Cantic. VI, 4. 10. ubi Ecclesia *terribilis, ut acies vexillis instructæ* vocatur. Huius generis signa Germani *Fahnen* appellare solent a vocabulo obsoleto *Fan*, qvod Gothis idem notabat, ac dominum, solebant enim vexilla honoris causa præcipuis ex nobilibus & qvi de Republica bene merebantur, præferri, vid. *celeberrimi Nic. Hieronymi Gundlingii* diatriben *de Feudis vexilli* vulgò *Fahnlehn*, Halæ 1715. in 4. editam, & adde *Wilh. Ernst Tenzelii* Colloqv. menstrua An. 1689. p. 692. Cæterum cum *Draconariorum* in thesi mentionem iniecerimus, *Jac. Gutherii* verba in gratiam Antiquitatum studiosorum ex *Libr. II. de Offic. domus Augustæ* p. 409. excerpemus. In singulis, scribit, cohortibus Draconis, signum fuit, & qui signiferi portabant illud, Draconarii nominati, Dracones singuli a Draconariis per singulas Cohortes, i. e. decem in, unaqvaqve legione ad prælium efferebantur. Constantius Imperator, post Magnentiū exitium, Romam gestiebat visere, cumqve urbi, propinqvaret, insidebat aureo carpento solus, fulgenti claritudine, lapidum variorum. Quo micante lux qvædam misceri videbatur, alternumqve potestatis gradus multiplices; alios purpureis subtegminibus texti circumdedere Dracones, hastarum aureis gemmatisque, summitatibus illigati. Tandem & hoc notamus Dracones pro signis etiam Assyrios, Seythas aliosqve gestasse. Conf. *Matth. Zimmermanni Florileg. Phil. Hist.* p. 309.

§. IIX.

Ad Occidentis etiam plagas nefarius serpentum cultus penetravit, neque priscos Germaniæ incolas intactos reliquit. *Vandali* (*) populi antiquissimi inter Deos lares serpentes retulerunt, Draconemque volantem *Olao magno* Auctore L. II. Cap. XXIV. pro Numine habuerunt. Draconem in Insignibus Regis Daniæ conspicuum exinde quidam derivant. Fuit enim Dania Vandalorum Regina, hinc Pontanus insignia Regia his versibus ornavit :

Hinc rigidos Slavos effert pernicipibus alis,
Et loca propugnat sanguinolenta Draco.

Vestigia huius idololatriæ in cornu prope Tunderam reperto, deprehendere sibi visi sunt Antiquarii, vid. *Trog. Arnkiel Cimbrische Heyden-Religion* P. I. Cap. VIII. p. 42. sq. it. *vom güldnen Horn* Cap. II. p. 46. adde *Miscell. Lips.* T. I. p. 69.

§. IX.

De Ophitis (**) Seculi II. Hæreticis Epiphanius Hæres. XXXVII. sequentia refert : *Colunt ipsi serpentem, & panem ipsi offerunt, quem circa*
tempus

(*) De Vandalis omnium optimè scripsit *Albertus Krantzius*, qui A. 1519. publici iuris fecit historiam *de Vandalorum vera Origine, variis gentibus, crebris à patria migrationibus, Regnis item, quorum vel autores fuerunt, vel eversores, libris XIV. à primo eorum origine ad A. C. 1500. deductam*, in folio. Reliquos scriptores eruditè pro more persecutus est *Joh. Mollerus*, *Isag. ad Hist. Cherson. Cimbr.* P. I. Cap. III. §. IV. sq. pag. 18. sqq. His adde *Matthæum Prætorium*, eiusque orbem Gothicum quatripartitum, & *Joh. Christophori Vetteri* Notas in *Tacitum de Germ. moribus*, qui Vandalos vi vocis idem significare statuit, ac vagabundos derivationis ratione a vocabulo quodam Germanico antiquo petita. De Diis Vandalorum *Mafius in Antiquitatibus Mecklenburgicis*, *El. Schedius de Diis Germanorum*, *Sam. Grosserus* aliique egerunt. Fabulam *de Vandalorum Rege gentili*, sed clanculo, *Tollius in Epist. Itinerariis* Epist. II. attigit. Numismata eorum *Tenzelius in Colloqv. mensuriis* A. 89. p. 915. sq. exposuit, conversionem verò ad Religionem Christianam *Georgius Fridericus Stiberus* in *Hist. Ecclesiast. Meclenburgica*, s. *von Stiftung der Christl. Kirchen unter den Wenden*, An. 1714. in 8. tradidit.

tempus ipsorum mysteriorum latibulo offerentes, & alios panes in mensa disponentes, serpentem provocant: aperto autem latibulo procedit, & sic progressus ascendit in mensam, & panibus involvitur. Et hoc perfectum sacrificium esse volunt. Clarius impietatem eorum Augustinus Cap. XVII. de Hæresibus persequitur: *Habent etiam verum colubrum, quem nutriunt, & venerantur, qui & incantante sacerdote egreditur de spelunca, & ascendit super altare innixum speluncæ, & oblationes eorum lambit, & involvens se circa eas regreditur ad speluncam, & ita confringunt oblationes in Eucharistiam, (***) quasi à serpente Christo sanctificatas.* Origenes L. VI. contra Celsum Ophianos Christianos esse, negat, cum neminem in suum sodalitium adsciscant, nisi prius Jesum execratus fuerit. Sive Christiani vocari possint, sin minus inter serpentum cultores rectè referri patet.

§. X.

Ad recentiora ut deveniamus temporà, recordari subit, quæ Bernh. Connor (*) medicus celeberrimus in Historia Poloniæ per modum Epistolarum An. 1698. Anglicè, & postmodum etiam Germanicè edita tradidit,

E quod

(**) Ophitæ à serpente sic dicti, vel, quia ipsam *σφίαν*, serpentem factam dixerunt, sive, quia serpentem, tanquam scientiæ boni, & mali autorem tanti fecerunt, ut ipsi Christo prætulerint, *vid. B. Thom. Ittig. dissert. de Hæresiarchis Sect. II. cap. IV. p. m. 115.* Dicebant iidem Hæretici, figuræ serpentinæ vim maximam inesse, idque exinde probare nitebantur, quia intestina hominum serpentum instar essent convoluta, *conf. Paul. Stockmanni Elucid. Hæres. p. 416. B. Bebelius Hist. Eccl. Antediluv. p. 17.* observavit, Diabolum serpenti à Mose erecto & Christo per ipsum præfigurato illudere voluisse, inprimis cum typum istum & antitypum probationis loco allegaverint. Non diu perseverasse monstrosam hanc Sectam ex Origene ostendit D. Phil. Jac. Hartmannus de Rebus Gestis Christ. sub Apostolis cap. XXII. N. 17. p. 543. sq. ubi & alia notatu digna de obscuris hisce Hæreticis, quorum mentionem Hildebrandus in Libello de Hæresibus planè omisit, commemorat.

(***) Ophitas pro forma Consecrationis incantationibus usos esse, Scholastici quidam statuerunt, sed annotavit. B. Scherzerus Syst. defin. p. 382. Vasquezium illos refutasse, atque demonstrasse, Ophitas incantationibus solùm ex antro serpentem evocasse, atque panem verè consecratum negasse, nisi serpens illum prius lambere.

quod scilicet in Polonia quibusdam locis sylvestribus, in Samogitia inprimis, reperiantur, qui serpentum quadrupedum quoddam genus, quod *Givosit* vocant, pro Deo venerentur, domique suæ alant, quin & rustici quidam in Borussia atque Lithuania nonnullis locis vyperas solennius, quam par est, foverant. De Lithuanis *Baro Herberstein* in *Commentar. Rerum Muscoviticarum*, citante *Dn. D. Cyprian. Hist. Animal.* contin. 3342. ita differit: Cum priori ex Moscovia itinere rediens, in Troki venissem, referebat hospes meus, ad quem fortè diverteram, se eodem, quo ibi eram anno, ab ejusmodi quodam serpentis cultore aliquot alvearia apum emisse. Quem cum oratione sua ad verum Christi cultum adduxisset, utqve serpentem, quem colebat, occideret, persuasisset: aliquando post cum ad visitandas apes suas eò reversus fuisset, hominem facie deformatum, ore aurium tenus miserabilem in modum diducto offendit. Tanti mali causam interrogatus respondit: se quod serpenti, Deo suo, manus ne farias iniecisset,

(*) Est idem Connor, qui An. 1697. *Evangelium medici s. medicinam mysticam de suspensis Naturæ legibus*, s. de miraculis reliquisque ἐν τοῖς βιβλίοις memoratis, quæ medicæ indagini subjici possunt, publici juris fecit, multa in hoc libro paradoxa contineri, quæ Lectoribus non omni ex parte sese probare possint, fatentur Collectores *Act. Eruditor. Lips.* An. MDCXCVIII. p. 361. Diversa diversorum de famoso isthoc scripto Eruditorum judicia prostant. Sit autem nobis instar omnium *Cl. Mich. Henricus Reinhardus* Diaconus hodie Pretschensis longè meritissimus. Ille in *Disp. de Miraculis Spinozæ*, Connori, & Lokio opposita, Annoque MDCCXII. cum Rectorem adhuc Hilperhusanum ageret, edita, Sect. III. §. 1. sequentia de nostro pronunciavit: *Bern. Connor - Spinozæ proximus, qui appartè se adscripsit Naturalistarum ordini, in Evangelio Medici s. medicina mystica, s. de suspensis naturæ legibus. Equidem ille pro religione christiana scripsisse vult videri, ut Pyrrhonibus in religione & Deistis persuaderet modum, & rationem, qua facta sunt miracula, non minus perspicuè posse concipi, quam stipulam ex igne exuri, - - - interim ipse palam hunc librum in Naturalistarum gratiam profitetur scriptum, & - - - §. 2. vix consequetur aliquis verbis, quanta temeritate, quanta petulantia, de Scæ sacræ multis locis ubique disputet. Certè in finem non fecit alium, quàm ut sententiam Spinozæ de miraculis omnibus diris devovendam, novo tantum colore tingeret, & occultatam Epimethei Pandora pèsiem Naturalismi tanto facilius in orbem Christianum effunderet.*

set, ad piaculum expiandum luendumque hac calamitate puniri, multa-
 graviora, si ad priores ritus suos non rediret, pati se oportere. En Dia-
 boli serpentis veteris malitiam! en quomodo Dei sapientissimi permissione
 miseris mortalibus illudere soleat! Ast, liceat addere verba Auctoris *des*
Moscowitischen Kirchen-Staats, (***) quem D. Pritius Germana civitate do-
 navit, ita verò ille Cap. VII. p. 60. 'ΟΦιολατρεία gehet bey den Russen
 und Samojeten starck in Schwange, also, daß wenn ihnen in ihrem Hau-,,
 se etwas Wiedriges begegnet, sie alsobald davor halten, man habe der,,
 Uncken oder der Haus-Schlangen, welche sich in Reus-Land häufig fin-,,
 den, nicht wohl auffgewartet, und ihr gute Bisslein gegeben, schauen,,
 derowegen wohl zu, daß dieselbige Haus-Uncke hinführo möge besser,,
 gepflegt werden. Reliqua Cl. *Olearius* in dissertatione sæpius laudata, §.
 XIII. persequitur, hic non repetenda.

E 2

§. XI.

(**) An. 1698. liber hic lucem publicam aspexit. Non ingratum erit
 Lectoribus nostris, hac occasione Autores nonnullos, qui de *Religione*
Moscowitica, eorumque ritibus *Ecclesiasticis* commentati fuerunt, inve-
 nisse. De Religione ritibusque Ecclesiasticis Moscovitarum sub præ-
 sidio *Joh. Ernesti Gerhardi* An. MDC LXII. *Joh. Schwabe* Jenæ dispu-
 tavit, cum verò Literæ Moscoviticæ in rubro disputationis conspi-
 cuæ idem significant, ac abominanda Religio l. superstitio, Auctor illius
 varia fata acerba experiebatur, & vivicomburium vix effugiebat.
 Exercitatio Historico-Theologica B. *Dannhaueri de Religione Mosco-*
witarum in ejus Disquisitionibus sacris junctim editis N. XXXIII. ap-
 paret. De Religione, Ritibus, Ceremoniis, & superstitione Mosco-
 witarum *Jacobus Debia* Præbendarius Lincolnensis Tractatum in 12.
 XI. Capitibus absolutum An. 1712. edidit. Eodem Anno Francof. Ano-
 nymi Gallici Tract. *de Religione Moscov. ortu & progressu* Germanice
 versus, in 8. prodiit, XV. Capitibus constans, multisque iconibus De-
 astrorum, quibus Russi olim sacra fecerunt, distinctus. Holmiæ An. 1704.
 in 8. prodiit: *Nicolai Bergii* Exercitatio de statu Ecclesiæ, & Relig.
 Moscoviticæ. Notari inprimis meretur *Joh. Latzitzky*, qui Librum
 de Russorum, Moscovitarum, & Tartarorum Religione, sacrificiis,
 nuptiarum & funerum ritu è diversis scriptoribus congeffit, & An.
 1582. Spiræ prelo subjecit. *Johannis Fabri* Moscovitarum ad mare gla-
 ciale Religio, in *Corpore Auctorum rerum Moscoviticarum* Francof. An.
 1600. edito, invenitur. Perperam & minus prudenter quidam quæsi-

§. XI.

De Regni Fide in Gvineensium confiniis siti incolis è *Gvilielmi Bosmanni* Itinere ad littoris *Gvineensis* in *Africa* provincias suscepto sequentia annotarunt, *Acta Erudit. Lips.* An. MDCC V. pag. 265. Quisque incolarum tot sibi idola fingit, quod consultum esse duxerit, ex omnibus autem serpentes agmen ducunt, quos in ea veneratione habent, ut delubrum regni celebratissimum domum serpentis nuncupent, ad quam peregrinationes frequenter instituunt, hostias quotidie deferunt, atque fortunatum inde in negotiis successum præstolantur. Illorum cultui certi sunt constituti Flamines, homines nauci, ac fraudulentum, qui artibus suis superstitionem plebiculam argento emungunt, & Vatiniani inter conjuges odii semina spargunt. Serpentes autem, quorum ingens multitudo per ædes singulas discurrit, uti neminem lædunt, ita vicissim à nemine læduntur, sed eodem frequenter cum hominibus cibo victitant, & ab incolis tanta religione immunes ab adgressionibus servantur, ut, quum Anglorum negotiatores angvem in hospitio obvium occidissent, ac cadaver foras projecissent, universa mox civitas, in qua patrata fuerat cædes, in rabiem quasi conversa convolverit ad arma, neque prius quieti sese dederit, quam Anglis internecione occisis, mercibusque illorum igne penitus absumentis. Accidit etiam Anno circiter 1697. ut porcus angvem ob morsum sibi inflicto devoraret, idque tanta festinatione, ut Æthiopum, qui ad stabant, nemo serpenti suppetias ferre posset. Conversi ergo ad sacrificulos suos barbari, infortunium ordine exponunt, qui à Rege edictum extorquent, quo porci per universam regionem idcirco deleri jubeantur - - - Contigit, ut ex laqueari conclavis Bosmanni quotidie serpens in mensam prandii tempore descenderet. Bosmannus cum ad Regis colloquium circa id tempus admitteretur, per jocum conquestus est, quod diebus singulis Deaster quidam gentis serpens apud ipsum haud invitatus pranderet, quem à mensa arcere & depellere cogatur, nisi Rex sumptus ad victum novi hospitis impenso liberaliter reddat. Quid ergò factum? Regulus narratione Bosmanni mirè delectatus, ut serpentem quiete illuc divertere permitteret, hortatur atque impenfarum loco pingvem Autori bovem dono mittit. Fusius hoc adjecimus, non tam, ut curiositati Lectorum satisfaceremus, sed ut deplorandam gentiliū à veri Dei cognitione remotorum cœcitatem, turpissimasque sacrifici-

verunt: *An. Moscovitæ sint Christiani?* D. *Joh. Botvidus* An: 1620. *Holmiæ* peculiari dissertatione hocce problema examinavit.

crificulorum paganorum imposturas (*) detegeremus, nostrosque ad gratias Deo debitas incitarem, qui à tam crassis ignorantiae tenebris nos, majoresque nostros clementissimè liberavit. In India Orientali adhuc hodie serpentum quoddam genus colitur. Regis enim Calcutensis jussu tuguria eriguntur sub dio; ut serpentes sub iis nutriri, & ab aëris, ac tempestatibus injuriis incolumes conservari possint, vid. *Richard. Mead Explication mechanique des Poisons.*

E 3

§. XII.

(*) Non in Ecclesia Romana solum piæ fraudes invaluerunt, sed etiam inter Ethnicos jamdudum viguerunt, à quorum sacrificulis Pontificii istas Hæreditario quasi jure acceperunt. Porphyrius Draconem s. serpentem assuefaciebat, ut ad Plotini spondam fatalem reperet, quod è facilius gens credula in Apotheosin hujus consentiret, Apollinem enim sub serpentis specie apparere, persuasissimum ipsis erat. De Heraclite pontico *Diogenes Laërtius* L. V. Vit. Philos. p. m. 219. memoriæ prodidit, *nutrisse eum à puero Draconem, & cum jam moriturus esset, jussisse cuidam ex necessariis, ut ejus corpus occuleret, Draconemque supponeret lectulo, ut putaretur, ad Deos migrasse, factumque esse, ut ille mandaverat.* Imponebat eo ipso civibus suis, quibus in Deorum numerum se cooptatum esse persuadere, cupiebat. Verum non diu latebat fraus. Cum enim Heraclidem cives efferrent, laudibusque prosequerentur, audito clamore Draco ex vestibulis profiluit, perturbavitque plurimos, tandem verò omnia aperta sunt, & Epigramma natum est:

Mirum Heraclides quid tantum optaveris amens

Post mortem nobis ut viderere Draco,

Falsus at es, mihi crede, fuit nam bellua verè,

Ille Draco, sed eras bellua non sapiens.

conf. Cl. Dn. Chr. Aug. Heumanni *Acta Philosoph.* P. I. pag. 145. sq. Quomodo idolo veteri *Busterich* dicto, credulae plebi gentilium sacerdotum imposuerint, igneque, quem circumcircum spiravit, effecerint, ut fictam divinitatem donis muneribusque placaverint, *Henninus in Annot. ad Epistolas Itinerarias Jac. Tollii* p. 34. notavit, adde *Tenzellium in Colloq. mensuris* An. 1689. p. 719.

§. XII.

Varios hæcenus populos in scenam produximus, qui, Satana instigante, Serpentibus divini quicquam tribuerunt. Jam, ut Existencia turpissimi hujus cultus eò luculentiùs constet, *modum & rationem*, quomodo serpentes idolatricè honoraverint, paulò clarius exponemus.

SECTIO II.

De modo vel ratione serpentes colendi.

§. XIII.

TEmplà in honorem serpentum exstruebant Ægyptii, eaque *Draconia* vocabant. Serpentes, si fortè vidisset superstitiosus in ædibus, erigebat eo loco sacellum. *Joh. Philipp. Pfeifferum* vide Antiq. Græc. L. I. Cap. LXI. p. 171. De Romanis sequentia memoriæ prodidit *Joh. Rosinus* L. II. Antiq. Cap. XVII. p. m. 163. missi legati (Romanorum) in Epidaurum, & ab incolis benignissimè accepti, & in templum Æsculapii perducti, angvem, quem Epidauri pro Æsculapio coluerant, spontè ad Romanorum navem pergentem, Romam vexerunt, ibique templo condito coluerunt. Tangit & *Arnobius* L. I. adv. Gent. insanam hanc superstitionem his verbis: *Templa felibus, Scarabæis, (serpentibus) & buculis, sublimibus sunt elata fastigiis, silent irrisæ numinum potestates, nec livore afficiuntur ullo, quod sibi comparatas animantium vilium conspiciunt sanctitates.* Et quid mirum, veteres serpentibus ædes peculiares condidisse? cum hodie Sinensium nonnulli templa habeant, quæ plena sunt immanibus idolorum monstris æreis, marmoreis, ligneis, luteis, ita ut haud injustè Ægyptiorum adyta ea voces, vid. *Kircheri Chin. Illustrat.* p. 133.

§. XIV.

(*) Templa gentes à cœtu Dei remoti jamdudum habuerunt. *Petrus Jurieu* omnem movet lapidem, *Hist. Critique des dogmes, & des Cultes* P. II. Cap. I. ut ante Israelitarum exitum ex Ægypto templa nuspiam extitisse, demonstret, usum verò eorum sub iudiciis invaluisse,

§. XIV.

Sacrificia serpentibus obtulerunt miseri Idololatæ Hieronymus [*] *Pra-genfis*, teste Sylvio, de Europa Cap. XXVI. suis oculis vidit, quomodo Lithuani, apud quos diverterat, serpentes coluerint, pater enim quisque familias suum in angulo domus serpentem habebat, cui cibum dedit, ac sacrificium fecit in fœno jacenti. Hos omnes jussit Hieronymus interfici, & in foro adductos publicè cremari, inter quos unus inventus est maior cæteris,

in quorum Historia templi Dagonis mentio occurrit, probet. Philistæos exemplum à Tabernaculo Moſis ſumſiſſe ſuſpicatur. Videntur tamen jam ante eos Ægyptii templorum ſtructuræ operam dediſſe, Herodotus enim aras & ſimulacra & templa Βαρὺς καὶ ἀγάλματᾶ, κοινῆς primos conſtituiſſe Ægyptios memorat. Fecerunt autem hi teſte Strabone, & Arnobio, templa ſua ex Regum ſepulchris. Inde forte Clem. Alexandrinus à ſepulchris ipſammet templorum originem deduxit, ſepulchra certè magnificentius olim condita templorum appellatione inſignita fuerunt, vid. *Dn. D. Chriſt. Sonntag de Eccleſia ſubterræn.* Cur. II. §. 2. qui inde factum opinatur, ut ſepulchreta templis contigua hodiernum conſpiciantur. Inde quoque dubio procul Chriſtiani per contemptum *ſepulchra*, gentilium templa vocabant, vid. *Nic. Hieron. Gundlingii Obſ. Select.* T. I. Obſ. VI. pag. 146. ubi vir eruditus ſequentem Ammiani Marcellini locum ſubiungit: ubi reverſus Georgius Epiſcopus ex comitatu principis (Conſtantii) cum tranſiret per ſpecioſum genii templum, multitudine ſtipatus, ex more flexis ad ædem luminibus. *Quamdiu*, inquit, *ſepulchrum hocce ſtabit.* Idem Vir doctiſſimus obſervavit, Gentiles in iis locis, ubi Dii eorum ſepulti fuerant, templa atque ſacella moliri incepiſſe. Demus autem, Ægyptios alioſque Gentiles ante Iſraelitas templa idololatrica condidiſſe, nihil tamen exinde lucrabitur *Joh. Spencerus*, qui Salomonem Ethnicorum exemplo ad Templum vero Numini erigendum excitatum fuiſſe, tradidit. Dicimus enim cum *Conr. Sam. Schurtzfleiſchio*, Polyhiſtore quondam clariſſimo: omnino autem iſta opinio, falſa, & ex quorundam animis evellenda eſt, quæ eò ſpectat, ut, imperitis perſvadeatur, occaſionem ſtruendi templi à conſuetudine, gentium formam, rationemque ædificandi à templis Ægyptiorum fuiſſe deſumptam. Quod voluntati Numinis templa arasque & ſimulacra impiorum hominum, dirui præcipientis, & pietati Salomoni,

teris quem sæpè ad motus ignis cremari non potuit. *Olaus Magnus* Autor est, plerosque Gentium Septentrionalium lacte [* *] sacra serpentibus fecisse. Vandalorum mulieres angves in cavis quercubus niveo lacte placasse humillimeque adorasse, quò maritis generandi facultatem concederent, *Hartknochius* diff. X. Rerum Prussicarum refert. Quin homines formosissimos Livoni veteres in honorem Draconum atque serpentum mactabant, conf. *Trog. Arnkiel. Cymbrische Heiden - Religion*, P. I. Cap. XXI. p. 123.

§. XV.

„ædem novo exemplo molientis, directe repugnat. Non spectabat ad gentium instituta Salomo, neque hac architectandi figura egebat Rex maximus, cum omni recondita sapientia, tum in primis ædificandi scientia præditus, in eaque re Dèi & patris mandato obsecutus Ægyptiorum & finitimarum gentium templa, velut, impietatis domicilia odit, & execratus est, idque vocibus, & argumentis multo apertissimis ostendit. Conf. ejusd. diff. *de Templorum Antiquitatibus* §. II. quæ occurrit in *Oper. Histor. Polit.* pag. 764.

[*] Duo eodem tempore floruerunt *Hieronymi Pragenses*, id quod opportune monuit Celeberrimus L' Enfant *Hist. du Concile de Constance* T. I. Lib. II. §. 20. Quæ in paragrafo hoc attulimus, non de Hussita sed altero, cujus notitia longè obscurior est, capienda esse putamus. Ille sanè, Hussi Asseda, vir fuit præstantissimus, & ipso Hussio doctior. Humani tamen quid patiebatur, cum formidine pœne doctrinam, quam hætenus inculcaverat, revocaret, cuius rei verò illum quàm maximè pœnituit. Ita autem verba Pragensis doctissimus L' Enfant l. c. pag. 392. gallico idiomate exprimit: Ie n' ai pas honte, de confesser ma foiblesse. Oui, je l' avouë, & je le fais avec horreur, la seule frayeur du supplice du feu m' a fait consentir lachement & contre ma conscience à la condamnation de la doctrine de Wiclef & de Jean Hus. Quo facto ad rogam damnatus An. 1416. tertio Calend. Junii per Hussio certamen obiit.

[* *] Veteres gentiles lac Numinibus suis obtulisse, ex Diodoro Siculo patet. Hic enim de antiquissimis Ægyptiis scribit: *ad urbem Philas, ubi Osiridis sepulchrum erat, trecentas & sexaginta choas quotidie lacte implebant invocantes Deorum nomina.* Habelem lac Deo in sa-

§. XV.

Præterea pro geniis (*) locorum serpentes veteribus erant. Ad Virgilium provocare liceat, qui post ambitiosam serpentis descriptionem subdit:

incertus Geniumne loci, famulum ne parentis
esse putet

Statius pariter notanter canit:

Interea campis, nemoris sacer horror Achæi,
Terrigena erigitur serpens, tractuque soluto,
Immanem sese vehit, ac post terga relinquit.

Plura Poëtarum testimonia suppeditabit *Thom. Dempsterus* Paralipp. ad Rosinum p. 154. ex quo & hæcce deprompsimus. Superstitioni huic ethnicae
F certif-

sacrificio suo exhibuisse, ex Genes. IV, 3. 4. post Josephum, *Hugo Grotius* portentosi ingenii vir, & *Joh. Clericus*, statuunt, sed rectè summè Rever. D. *Deilingius* P. II. *Observ. Sacr.* p. 51. monuit, oblationes lactis in populo Dei nunquam fuisse usitatas. Quin adhuc hodie plerique ex Judæorum gente lacte abstinere solent, id quod notavit *B. Cnollius*, vir literaturæ Hebraicæ peritissimus, in *Relationibus Innocuis* An. MDCCXIV. p. 651.

(*) De Geniis multa & varia finxerunt veteres. Evolvantur modo *Georgii Wonne* Dissertationes tres de Geniis, *Mollenbeccii* dissert. de Genio Principis, quas junctim exhibent *Carolus Bernicius*, & *Cornelius van Arckel* P. II. Fasciculi dissert. Philologicarum. De Geniis & eorum cultu Antiquarius, dum viveret, celeberrimus *Johannes Nicolai* Tract. de Phyllobolia, Cap. IV. p. 24. sqq. egit. Nubem scriptorum de Geniis *Joh. Petr. Conradus Fuhrmannus*, Rector Gymnasii Verdensis, in Programme de Geniis An. MDCCXIV. edito, congestit. Locorum Genios religiosè venerati sunt Gentiles, vid. Autores citatos, Cainitæ Seculi II. Hæretici, de quibus *Ittigium* in dissert. de Hæresiarchis & *P. Ba-lium*, *Dict. Critiq.* T. I. p. 758. adi. Hebræorum quoque magistri credunt, Deum in hac orbe terrarum cuncta mediantibus Angelis perficere, singulisque locis certos præfecisse Genios. Conf. *Joh. Henr. Maji* *Oecon. Jud. div.* P. I. p. 497. Gentilium è Rivulis Pontificii biberunt. Ita enim *Henr. Morus* *Oper. Theologic.* pag. 665. *Quemadmo-*

certissimè debentur, quæ nostri de clamore angvis domestici, vulgò *des Haus-Uncken* (***) fabulantur, & nescio, quid tragici, vel portenti inde ominentur?

§. XVI.

Auguria ex serpentibus Græci capiebant. Vaticinandi peritiam Auguribus inspirare crediti sunt angves. De Helena & Cassandra Priami liberis in Apollinis Fano dormientibus Euripidis Scholiastes refert: Serpentes cum accessissent, & eorum aures circumlinxissent, auditum ita exacuerunt, ut Deorum consilia soli audirent, & vates essent præstantissimi, vid. plura in Dissertatione Dn. Olearii de *Ὀφιολαγεία* §. X. quæ huc transferre nolumus. Uberiora de auguriis serpentum habet *Julius Caesar Bulergerus* in Libris de Auguriis & auspiciis veterum, quos *Grævius* Thesauro Anti-

dum veteres pagani tutelaria sua Numina habuerunt Regnorum, Provinciarum, & civitatum, Diis, quibus imperium hoc steterat: ita Romana Ecclesia suos habet tutelares sanctos hisce paganis Numinibus ad amissim respondentes, ut S. Gregorium pro Anglia, S. Andream pro Scotia - - - Cum autem Genius ex Ethnicorum mente Deus fuerit, qui vim obtineret rerum gerendarum omnium, vid. Sim. Majol. T. II. Dier. Canic. Colloq. I. p. 290. serpentes pro Diis habuisse, dum Geniorum loco ipsis fuerunt, certum est.

(**) Superstitionem hanc de serpente domestico dem *Haus-Uncken* B. *Arnoldus Mengerius* Cap. V. Scrutin. Conscient. Q. 126. pag. 289. castigavit, atque severè in eos animadvertere solitus est, *welche so viel auf Haus-Uncken, und Schlangen halten, dass sie meynen, dass ihre Nahrung, Gesundheit, und Haus-Seegen dependire von solchen Ungeziefer, und Teufels-Geschmeis.* Risit verò eandem medicus quondam Altenburgensium celeberrimus D. *Gabriel Clauderus*, & in Ephemeridibus Naturæ Curiosorum Decur. II. An. III. pag. 167, 168. angvem istum domesticum nil nisi *murium genus* (eine Spitz-Maus) esse probavit, & An. 1679. experimento quodam in civis cujusdam ædibus, cujus inquilini talem angvem vehementer metuebant, facto, ad oculum demonstravit. Evolvat Lector *Tentzelii Colloq. Menstr.* An. 1691. p. 516, 517.

Antiquitatum Romanarum inseruit. Conf. etiam, *Vulcanium ad Callimachum* p. 202, & *Simonem Patricium* in Comment. ad Genesin, qui Auctores de cultu serpentum apud gentiles nonnulla observarunt, sed mihi non contigit esse tam felici, ut eosdem inspicere potuerim. A viris doctissimis verba Levit. XIX, 26. allegantur. Iis enim Deus augurium ex serpentibus capi solitum, nec non ritum serpentes incantandi, quem huc referunt, [*] severissimè prohibuit, vid. *Deylingii Obs. S. P. II.* p. 166. sq.

§. XVII.

Deastros suos aut serpentis figura colebant, aut simulacris eorum speciem ejusmodi animalis apponebant. Sic Æsculapii signum Draco vel serpens fuit. Licet enim plurium Deorum statuis & imaginibus adderentur, singulari tamen & proprio quodam modo Æsculapio quippe salutis Deo, & medicorum Coryphæo jungebantur, eam quidem ob causam, quia præstant, ut humana corpora, velut infirmitatis pelle deposita, ad pristinum revirescant vigorem, ut virescunt Dracones per annos singulos, pelle senectutis exuta, quæ *Macrobiani* verba sunt, vel juxta *Pompejum*, quod Draco vigilantissimum sit animal, quæ res ad tuendam valetudinem ægroti maximè

F 2

apta

[*] Ex incantatione serpentum nonnulli divini quid veteres animalibus hisce tribuisse, probare, & speciem quandam cultus elicere satagerunt: verum minus, ut opinor, accuratè. Incantatio enim illa ad magiam potius vel naturalem, vel Diabolicam, quàm ad religionem paganam spectat. Quicquid tamen ejus sit; de Incantatione serpentum *Psalmes regius* Ps. LVIII, 5. loquitur, ad quem locum varia erudita, & curiosa congeffit *Augustinus Calmet* Comment. Litteraire in Psalm. T. I. dissert. ultima, quorum summa exhibetur in *Journ. des Sav.* 1713. Mens. Septembr. p. 251. sq. Edit. Amstelod. *Ægyptii* imprimis ob serpentum incantationem celebrantur, & post eos *Psylli* Africæ populi, vid. *Marshamum* in *Can. Chron. Sect. IX.* p. 148. sq. Notavimus supra impiam hujus sententiam de serpente æneo à Mose erecto, jam propria verba accipe: *Moses autem serpente æneo per tica imposito non tam serpentes igneos incantabat, ne nocerent, quam eorum venenum exinguebat, & morsus arte levabat.* His adde, quæ *Morbofius* Tom. II. *Polyhist. Liter. L. III.* p. m. 496. sq. de incantatione serpentum notavit.

apta est. *Pausanias*, & *Valerius Maximus* idè hoc factum esse tradunt, quod plurima in genus humanum remedia ex hoc animalium genere depromuntur. Vid. *Matth. Zimmermanni Anal. Menstr. mens. IV.* p. 220. *Olearii Dissert. de 'Οφιολαγεία* §. XII. & qui primo loco erat nominandus, *Christophorum Cellarium, in Dissert. de Orig. & Antiquit. medicis Dissert. Acad. P. I. pag. 238. sq.* Philologus hic celeberrimus p. 241. l. c. suspicatur, ab æneo serpente salutis causa in solitudine erecto ad gentes manasse, unde serpentum Æsculapio affingerent, parem sententiam *Mr. de Boze in Dissertat. sur le Janus des Anciens*, ubi conjicit, quæ les Payens avoient tiré cette partie, de leur Religion de l' Histoire de Moyse; qui fit élever un serpent d'airain, dans le desert, pour la de guerison de ceux, qui avoient été mordus par des serpens. Sed, quanquam ingeniosa sit hæc conjectura (*), lubrico tamen fundamento eam niti, credimus.

§. XVIII.

(*) Eadem est *P. Dan. Huetii sententia, de Concordia Rationis & Fidei*, Libr. II. Cap. XII. qui *P. I. demonstr. Evangelicæ*, Propos. IV. Cap. III. p. m. 114. sqq. priscos gentium Deos & Heroas, quicunque per universum orbem culti sunt, totamque Ethnicorum Theologiam ex Mose ipso, Mosisve actis aut scriptionibus manasse, fuisse demonstrare conatus est. Idem ante eum *Osavius Falconetius* in Dissertatione An. 1667. Romæ *de Nummo Appamensi deucalionæi diluvii Typum exhibente* edita, tentavit. Lubrico hæcce fundamento nituntur, & nil nisi ingenium sapiunt virorum doctorum. Diabolus certè Idololatriam introduxerat, ante Judæorum res gestæ quam literis mandarentur. Longè ante serpentis ænei erectionem Ægyptii varia animalium genera in Deorum numerum cooptarant, & fortè etiam serpentes. Rudi isto seculo Judæorum res non ad alias nationes tam citò deferbantur, quas, si ad eas delatæ fuissent, risu potius, quam imitatione excipissent. Vix fidem quoque rebus & factis rationem longè transcendentibus tribuissent. Interim non negamus, Gentilium Prophetas Historias nonnullas Biblicas in fabulas vertisse, sive ex malitia, sive, quod non rectè eas acceperint. Haud etiam inficias ire volo, sequentibus temporibus, Judæorum gente in captivitatem ducta, versioneque Græca Ptolomæi cura adornata, scripturam à Gentiliū Philosophis lectam fuisse, quod mecum fatentur *Dn. D. Buddeus Instit. Theol. Moral. P. II. Cap. II. p. 549. Gothofredus Vockerod Exerc. Academic. p. 229. sq.*

§. XVIII.

Notatu digni sunt angues in Caduceo (*) *Mercurii impliciti*. Laur. Ram. de Prado, *Pentecontarch*. Cap. I. p. 4. hanc eorum reddit rationem, quod scilicet Mercurius Interpres Divum dictus fuerit. Cum autem Oratoris munus, Quintiliano teste, insinuatio, Græce *παροισδυσis*, quod nomen à serpentibus ducitur, sit, ideò caduceum angvibus ornatum fuisse, putat, nihil enim magis se insinuat, quam serpens. Divinitatis quoddam symbolum in Mercurii caduseo fuerunt serpentes. Mithræ quoque (**) schemata ubique serpentem appositum habent, quod ex *Montfauconii* Diario Italico Cap. XIV. p. 199. notavit Cl. Doppert. Tom. I. *Miscell. Lipsiens.* p. 69.

F 3

§. XIX.

(*) Baculis Ethnicorum Dii erant plerumque instructi in præeminentiâ, & majestatis signum. Notus est Bacchi *Thyrſus*, de quo Vid. *Joh. Nicolai Phylloboliam*; Cap. XIV. §. 7. p. 108. ſqq. *Hoffmanni Lexic. univerſal.* ſub voc. *Thyrſus*, & *Joh. Chriſt. Hebenſtreit, Diſſert. de Bax-χois*, ad *Ezech. VIII*, 17. §. XXI. pag. 26. de *Æſculapii* baculo intorto *Cellarius* egit, *Diſſert. Acad. P. I.* pag. 239. Junonem in Numiſmatibus quibusdam Antonini Pii baculo ornatam conſpici, obſervarunt *Auctores Actorum*: *Erud. German. P. VIII.* p. 674. Reſerres huc baculos in æde *Iſidis*, conſ. *Zimmerm. Anal. menſtr.* p. 51. & ipſum *Lithium Augurum*, de quo *Joh. Georg. Grævius, Theſaur. Antiq. Roman. T. V.* ſub initium, *Andr. Chriſt. Eſchenbach Diſſert. Acad.* p. 582. ſq. & *Bartholinus de Tibiis Veterum*, L. III. Cap. VII. p. 406, 407. uberiora ſupeditabunt. Cæterum de baculis curioſa nonnulla lege in *Joh. Ciampini monum. veter. in quibus præcipua muſiva opera illuſtrantur*, P. I. Cap. XV, quod agit de antiquo baculorum uſu, & ſymbolo, varia etiam congeſſimus in *Obſervationibus noſtris Miſcellaneis T. I.* pag. 427. De *Mercurio* vid. *Stockmanni Elucid. Deorum Dearumque Gentil.* p. 173. *L'abbé B. Explication Hiſtorique des Fables Entret. VI.* Sartor. de *Hypocriſi Gentil, circa Cult. Deorum* Cap. VIII. §. XIII. Germanos Deorum maximè *Mercurium* coluiſſe, *Tacitus* Auctor eſt, vid. *Elizæ Schedum de Diis German.* Cap. V. p. 107. 110.

(**) *Mithram* ejusque ſacra omnium optimè deſcripſit *Thomas Hyde, Hiſt. Relig. veterum Perſarum* eorumque *Magorum* Cap. IV. conſ. *Tenzelii Bibliothecam curioſam Reſoſit.* I. pag. 853. ſq. *Summarische Nach-*

§. XIX.

In Nummis quoque Veterum Draconum, atque serpentum effigies cernimus. Provoco ad Antonii Triumviri, Augusti, Neronis, Vespasiani, Titi, Domitiani, Adriani, Commodi, Antonini Pii aliorumque Numismata, item ad Juliae Domnae Nummum quendam serpentem pluribus spiris involutum, exhibentem, cujus copiam Harduinus in Nummis Antiquis illustratis p. 312. dedit. In Nummo sane Claudii, de quo *Svetonius* Cap. XI. in vita ejus, subjectus serpens sive Draco reverentiam quandam, & divinitatis opinionem Caesari accessisse, innuit. Oportune recorder Familiae Aciliae monetam, quae foeminam brachio sinistro columnae minori nixam, dextra verò manu serpentem tenentem sistit, additis verbis: *M. V. ACILIUS III. VIR VALETIV.* de vocabulo postremo disceptant Eruditi. Patinus legit *Valetudinarius*, Onuphrius, *Valetudinis* tuendae, in eo enim consentiunt, Acilium, Triumvirum, vel magistratum sanitatis fuisse. Verum contrariam arripit sententiam Mr. de Boze dissert. (*) *sur le Janus des Angiens, & sur quelques medailles qui yont rapport.* Negat Romae unquam sanitatis magistratus fuisse, omnem difficultatem in nomine *Acilius* sitam esse credens, quod à Græco ἀνέμω i. e. sanare derivat. Quae cum ita sint *Valetu.* interpretatur *Valetudini*, & familiam Aciliam *Dea saluti*, vel ideò sacra isthoc numismate fecisse, statuit, quia ipsa à sanando nomen obtinuerit. Plura de hac materia *Laurentius Begerus* in Dissertatione saepius laudata de Nummis Cretenf. Serpenteris suppeditabit.

§. XX.

richt von allerhand Büchern aus der Thomasischen Bibliothec P. III. pag. 220. sqq. de mithra ejusque Tabulis Symbolicis, & sacris, fusè egit *Philippus à Turre* P. II. *Monument. veteris Antii*, vid. *Act. Erudit.* MDCC I. p. 264. sq. ubi Mithrae schema ejusque sacra ære incisa exhibentur.

(*) *Große* de Bosc Dissertationem de Jano veterum *Christophorus Woltereck* Electis suis Rei Nummariae, An. M DCC IX. in 4. Hamburgi editis, inseruit. Gentiles Appollinem, Æsculapium, Hygeiam, salutem Deam coluisse, non est dubium, vid. *Cellarium l. cit.* p. 248. sq. Nonne Apollo apud Ovidium L. I. metamorph. jactabat?

Inventum medicina meum est, opiferque per orbem,
Dicor, & herbarum subjecta potentia nobis.

§. XX.

Nisi denique omnia me fallunt, & monetæ recentiores cultus serpentum veteribus solennis vestigia quædam sistunt. Quanquam enim, quæ ineffabilis Dei gratia est, magnates nostri, à turpi & fœda illa superstitione remotissimi vivant, figuræ tamen nonnullæ in numismatibus antiquis obviæ in nostras monetas derivatæ sunt, ita tamen, ut quæ olim Apotheosis & divinitatis, jam majestatis, prudentiæ & præminentiæ symbola existant. Sic non de Persarum modo modernorum Nummis *Adam Olearius* in *Hodoperico* pag. 425. perhibet, quod Satyrorum & serpentum species creberrimè exhibeant, sed in nummo quoque rarissimo *Galeatii & Mariae Sfortiæ, Vice Comitis, (*) & Ducis Mediolanensis* serpens apparet. Recentissimos inter Nummus in obitum *Leopoldi Magni* Imperatoris cusus eminet. Sistitur in ejus antica Castrum doloris, ad cujus basin fœmina mœrens, & sinistra manu lacrymas abstergens comparet, additis superius verbis; *Extinctus amabitur: inferiùs, luctus publicus.* In postica, Genius gloriæ denotans conspicitur, qui D. Imperatoris imaginem serpente in gyrum rotata cinctam gestat - - - vid. *Thesaurum Historico Numismaticum Anni MDCCV. Noribergæ An. 1714. editum* pag. 492. ubi uberior Nummi huius speciosi descriptio comparet, cui compendium vitæ Cæsaris immortalis laude digni præmissum est.

§. XXI.

Detestanda cœcorum Gentilium superstitio! cujus forte Aša Rex Judæorum sese reum fecerat, de illo enim notanter Spiritus S. 2. Paralip. XVI, 12. *sed etiam in morbo suo non quæsit Jehovah, verum medicos.*

(*) Historiam Ducis huius *Hieronymus Henninges* in *Theatro Genealog.* T. 10. P. III. p. 110. prolixam exhibet. Summa rerum in Ducatu Mediolanensi An. 1466. potitus venationibus, pilæ, atque amoris nimium indulgit; A. 1477. ipso Festo natalitio pugione perfossus misere periit. Serpentem quod attinet, illum Insignibus Mediolanensibus conspici, notum est. Diversam ejus originem affert *Munsterus* in *Cosmographia.* Deducit nimirum istam vel ab Azone, qui sub seculi XIV. initium floruit, cuius in galeam serpens sese fortè insinuaverat, vel ab Ottone Vicecomite Mediolanensi, qui An. 1099. in expugnatione urbis Hierosolymitanæ clypeum Turcæ cuidam extorserat, cui serpens infantem tenerum ore tenens incisa erat.

§. XXI.

In eo hactenus labor noster occupatus fuit, ut cultus huius *Existentiam* demonstraremus, deque *ratione & qualitate* illius paulò curatius inquireremus. Omni igitur sine remora secundis velis ad portum navigare poterimus. Subiungimus proinde,

CAPUT TERTIUM

Sectio I. moralis.

§. I.

Summam serpentis antiqui (*) Diaboli astutiam ante omnia notemus. Hic, cum cerneret consilium, homines ad imaginem Dei effictos sub serpentis specie singulos in abyssum præcipitandi irritum per Protevangelium de contritione Capitis serpentini à mulieris Semine i. e. Christo peragenda redditum esse, novas pro insigni, qua pollet, versutia moliebatur machinationes, eò omnem movens lapidem, ut seminis istius benedicti promissio non modo penitus in animis mortalium obliteretur, sed ipsi serpentes Numinis instar in Dei opprobrium venerentur. Quo sanè cladem humano generi in Paradiso illatam renovavit. Rectè proinde Venerabilis (**) Beda in Luc. XI. Tom. II. Oper. p. 101. iudicavit, *arma in quibus malè*

(*) Diabolus in S. Pagina *Draconis*, vel *serpentis* nomine summam ob astutiam, & nocendi cupidinem venit, vid. *Joh. Botfacci Moral. Gedanens.* p. m. 974. *Fesseli Regn. Diab. mystic.* P. I. pag. 480. sq. Neque apud Christianos solum, sed Persas etiam aliosque orbis incolae vocabulo isto designatur, vid. *Tom. Hyde de Relig. Vet. Persarum* Cap. III. Arabes appellant serpentem Satanam, & Zabii crediderunt, Dæmonas in eiusmodi animalia transformatos, id quod supra Cap. I. Sect. II. §. X. notavimus è *Hadr. Relandi L. II. de Relig. Mohammed.* p. 134. sq.

(**) De cognomine *Beda Venerabilis* Epistolam vide Anonymi, in *Observ. Selectis Nic. Hier. Gundlingii* T. I. p. 161. sq. cuius Autor post varias coniecturas incertas illam tandem laudat, quâ propter singularem

male fortis ille confidit, astutias dolosque, spolia verò homines esse ab eo deceptos. Rectè quoque Bernhardus, Sermon. 3. de Sept. Panibus, nunc apertè, nunc violenter, nunc occultè, ac fraudulenter, semper tamen malitiôsè, & crudeliter Satanam agere, monuit. Conf. Es. XXVII, 1. 2. Corinth. XI, 3.

§. II.

Inimicitias, quas Deus inter serpentem, & mulierem posuit, Genes. III, 15. (*) non ad serpentem naturalem, sed Diabolum pertinere vel ex hoc, quem descripsimus cultu serpentum patet. Quod enim Dei instar veneror, istud ideo non prosequor, dictat enim homini natura Deum esse diligendum. Excipis, & Diabolum à quibusdam vel ideo honorari, ne noceat? respondeo, Cacodæmonem ab Idololatris ejusmodi pro Autore & principe omnis mali haberi, cultumque nefandum non ex amore quodam, sed timore potius servili profluere. Duo enim cum Manichæis admittunt principia bonum & malum, prius non posterius amore dignum judicant. Serpentes præterea semper pro fausto, & felici omine priscis fuerunt.

G

§. III.

sanctitatem cum morum, tum officii cognomen hocce illi datum fuisse asseritur.

(*) Quemadmodum Christus non proprie dicti serpentis caput contrivit: ita inimicitiae quoque ad eundem minime pertinet Hoc Deus juxta sententiam B. Lyseri voluit dicere: *Tu Satan tenes homines jam captivos, ut sint tuae tyrannidi subjecti, sed prædico tibi, non perpetuò eos retinebis, sed sient liberi, ita, ut sint aperti tui hostes futuri* Comment. in h. l. p. m. 273. Conf. Dn. D. Joh. Henr. Maji Theol. Prophetic. P. I. p. 262. sq. maxime Reverendi Dn. M. Caroli Gottfr. Engelschallii meditationes ad dicta Geneseos illustriora, p. 54. Theophil. Aethæi Gründliche Erläuterung, T. I. p. 89. sqq. Eodem nobis cum argumento utitur Jacobus Basnagius Antiquit. Judaic. T. II. pag. 367. Addimus experientiam contra secus sentientes militare. Est enim serpens Sinenlibus auspdatum animal, Andr. Mulleri Specimina Sinica, pag. 51. Pleni, inquit, Draconum & serpentum sunt libri Sinensum, Brachmannum aliorumque. Apud Indos circulatores docent serpentes varios ad sonos musicos in publico saltare, vid. Olai Borrichii Dissert. Academ. cura Severini Lintrupii editas Tom. II. Diss. XII. quæ agit de specie Serpentis, quæ Evam decepit.

§. III.

In *Cornu aureo* (*) Danico ejusque circulo primo infans nudus duobus circumseptus serpentibus conspicitur. Quam figuram *Olaus Wormius* in Responsione de cornu aureo ad *Licetum* ita explicavit, ut initium vitæ humanæ parum à bestiarum miseriis differre, gentiles innuisse, putaverit. Nos exinde conjicimus, à tenera ætate infantes serpentibus vovisse superstitiosos veteres, & ad eam demum devenimus meditationem, homines à pueritia & ineunte adolescentia diabolici serpentis insidiis expositos vivere. Videamus ergò, ut Juventus nostra maturè Christum discat, qvi caput serpentis infernalis conterit, seqve nostrum non modo, sed etiam seminis nostri Deum perspicuè professus est.

§. IV.

Posito, Gentiles sub serpētis simulacro Deum invisibilem adorare voluisse, non tamen excusandi forent, Deus enim Exod. XX, 4. 15. severissimè idololatriam hanc prohibuit. Ita autem ex loco citato argumentamur: Qvi noluit concedere, ut sculptile, aut ulla figura, quæ in cœlis desuper, & quæ in terra infra, & quæ in aquis sub terra effingatur, ille etiam nullum vivum animal, quocunqve nomine veniat, in Dei vicem adoptari voluit, atqvi

(*) De vetustissimo pariter, ac pretiosissimo isto cornu, à virgine rustica A. 1639. in via publica *Mægeltunderensi* reperto, primus observationes suas publici juris fecit A. 1641. *Olaus Wormius*, Medicus, & Philologus celeberrimus, qvi A. 1654, cum Fasces Reçtorales Academiae gereret, diem suum obiit. Hunc exceperunt *Paulus Egardus*, *Envaldus Nicolai Randulfus*, *Petrus Wistrupius*, *Thomas Bartholinus*, *Trog. Arnkiel*, de quibus plura vide apud *Job. Mollerum in Isagog. ad Histor. Chersones. Cimbric. P. I. Cap. IV. p. 28. sq. Act. Erud. Lips. 1704. p. 333. sq.* Novo eoque satis curioso Commentario Cornu hoc famosissimum adornabit, à virorum modo laudatorum sententiis discedet, & nova planè methodo figuras ibidem obvias explanabit *M. Georgius Sonnerupius*, prout ex Novellis literariis Lipsiæ hebdomatim prodeuntibus An. MDCCXV. N. XLVII. p. 374. certiores facti sumus. Differt verò *Tunderense* ab *Oldenburgico*, de qvo multa fabulosa tradidit *Herm. Hamelmannus* in *Chronico Oldenburgico*, vid. *Arnkiel von güldnen Horn* Cap. V. p. 20. sqq.

atqvi Deus optimus. - - E. *Moncæji* igitur errorem errant, (*) quotquot Idololatrias excusant ex hoc capite, quod non serpentes, sed sub eorum specie Deum verum coluerint.

§. V.

Dantur pro Christiani, qui sese certo modo cultus Serpentum reos faciunt! Tunc enim serpenti antiquo gratum offerunt sacrificium, quando prudentiæ spiritualis [*] oblit, nimis callidi & astuti sunt in peccatis excusandis, [*] celandis, & committendis. Serpentum instar sinuosi sunt, cum crimina perpetrata confiteri debent.

G 2 §. VI.

(*) Francisco Moncæjo, cujus *Aaron purgatus* in omnium manibus versatur, *Paulus Boudot*, Theologus Parisiensis, *Joh. Boucherus*, Canonicus Tornacensis, *Jac. Gretserus*, *Gassarellus*, Jesuitæ, è recentioribus, *Herm. von der Hardt*, alique portentosi ingenii Critici assentiuntur. Notamus hac occasione, Moncæjum ingeniosæ utut falsæ illius opinionis Auctorem minimè esse, ex putidis Rabbiorum lacunis bibit, & cum *Rab. Raschi*, & *Zennorennæ* vitulis aravit. Eadem ferè excusatione Pontificii utuntur, prætendentes, se non imagines argenteas vel ligneas, sed Sanctos, quorum speciem mentiuntur, non crucem, sed Christum crucifixum venerari: verum destruxit speciosam hanc exceptionem *Petrus Jurieu* *préservatif contre le Changem. de Relig.* Art. VI. p. 141. sq. conf. *Les Entretiens des Voyageurs sur la mer* [1704. iterata vice edit.] P. I. p. 98. sq.

[*] De prudentia christiana benè egerunt Dn. D. *Buddeus* *Instit. Theol. moral.* P. II. p. 472. sq. B. *Schomerus*, *Theol. Moral.* Cap. XX. p. 446. B. *Joh. Bened. Carpzovius*, P. VI. *Homil. Funebr.* pag. 462. B. *Joh. Schmidius*, in *Tractatu*, cujus titulus: *Christliche Weisheit*. B. *Danhauerus*, *Lac. Catechet.* P. VIII. p. 521. sqq. Dn. *Carolus Godofr. Engelschall*, in *Homilia Metanoëtica* ad Ps. XC, II. 12. 13. *Dresd.* 1711. habita, & qvi primo loco nominandus erat. Dn. D. *Michaël Færtschius*, in *Diss. Theologica, de Excessibus in Pietatis studio*, *Jen.* 1708. §. XIII. sq. p. 17-25.

[**] Protervis hominibus nihil solennius est, quàm peccata excusare, quâ re se ipsos tamen vehementer decipiunt, 1. *Joh.* I, 10. Graviter de ista

§. VI.

Obstupeſcimus, quotiescunque legimus, Gentiles veteres ſplendida Tempſa in ſerpentum gratiam adornaffe, qvale verò de illis iudicium fere-
mus, qvi ſerpenti antiquo è cœlo relegato, Apocal. XII, 9. cor ſuum di-
cant, utqve efficaciter in illo [*] operetur permittunt? Nonne illos tre-
mendum Dei iudicium feriet, qvòd Apoſtolus minatur, 1. Cor. III, 17?

§. VII.

Qvi ſerpentum inſtar proximum lædunt, & veneno calumniarum [**] inficiunt, Diabolo gratum faciunt, & longè deteriores ſunt Ethnicis, qvi cultus ſæpiſſimè memorati ſe reos conſtituerunt.

§. VIII.

malitia conqueſti ſunt Theologi noſtri, vid. B. Chriſt. Sriver. *Seelen-ſchatz*, P. III. Conc. II. B. Schomer. *Theol. Moral.* p. 455. M. Jacobi *Nichtige Feigen-Blätter*, alioſqve in *Unſchuld. Nachrichten*, An. 1708. p. 415. citatos.

[*] Obſeſſionem ſpiritualem innuimus, qvàm non eo qvo Willb. Co-wardus, ſenſu adſtruimus, qvi in *The juſt Scrutiny* ſ. ſcrutinio exa-cto [Londini prodiit 1706. in 8.] *Diabolum non corporaliter, ſed per virtutem ſpiritualem homines obſidere ſtatuit.* Datur utiqve obſeſſio corporalis poſt Chriſti paſſionem & reſurrectionem non adeò fre-
qvens, ab hac tamen differt ſpirituſalis, cujus formam Theologi re-ctè conſiſtere dicunt, tùm in propinquiore ſubſtantia Diaboli ad ani-
mam impii aſſentia, Luc. XI, 24. 26. tùm in efficaci & ad quævis vitia impellente *ερεγεια*. Propinquiorem aſſerimus Diaboli præſen-
tiam, non tamen intimam, i. e. talem, qua corpori anima, mate-
ria forma præſens eſt. Hic pertinent loſa Scripturæ ſacræ, Luc. XXII, 3. Eph. II, 2. 2. Corinth. IV, 4. 2. Tim. II, 26.

[**] Calumniatorum ſymbolum ſunt ſerpentes, vid. Laur. Beyerlingi, *Theatr. Vit. Hum.* T. VII. p. 201. *Færetiere Diction. Univerſ.* T. III. Ar-
tic. *Serpent*. Turpe ſanè vitium calumnia, cujus rei olim ſtigmate li-
tera, nimirum K notabantur. Ita enim Cicero pro Roſcio: *Crura quidem vobis nemo ſuffringet, ſed ſi ego hos benè novi, literam illam, cui vos uſqve eo inimici eſtis, ut etiam eas omnes aderitis, ita vehe-
menter ad caput affigam, ut poſtea neminem alium niſi fortunas veſtras*

§. VIII.

Qui famulos famulasque perfrictæ frontis, i. e. hominēs in Deum & proximum injurios (*) sobolique teneræ scandala objicientes spontē in adibus suis alunt, impietateque eorum delectantur, dummodo Oeconomica ritē peragant, tam exosi sanctissimo Deo sunt, quā gentiles, qui serpentes domesticos colebant, latissimisque ferculis ab illis prægustatis perfruebantur, quin illo anno omnia sibi prosperē eventura sperabant, vid. *Laur. Beyerling. Theatr. Vit. Hum.* T. VII. p. 201. sq. Sed vela nunc contrahamus, tandemque portum respiciamus! Coronidis tamen loco *miscellanea* quædam bona cum Lectoris venia de serpentibus annectamus, quæ per me alto supercilio contemnat, quisquis hujusmodi non delectatur.

Sectio II. Miscellanea.

§. IX.

Serpentes ad *longevitatem* [*] conducere Veteres putabant, Lotichius Nobilem nominat, qui carne serpentina quotidie vesceretur & summam ad canitiem, vitam suam producebat, vid. *Christ. Lehmanni Theatr.*

accusare possitis. Piscosæ volucris calumniatores similes sunt, cui rostrum duorum palmorum aë penè tota longius est, & simul acutissimum, vid. *Dresel. T. I. Oper.* pag. 1093. Egregiè, & ad nostram mentem Dn. D. Majus, *P. I. Oecon. Jud. div.* p. 499. mendacia, blasphemie, calumnie sunt viperini partus orti, & prognati ex antiquo serpente Diabolo, Dracone volante, & in corda se insinuante operanteque ex visiois *Ἰησ. ἀναθελάς*. Conf. *Matth. III, 7.*

(*) Regius Vates *Pf. CI, 4.* cecinit: *Cor perversum recedat à me, malum non agnosco.* Ad quæ per verba B. Geierus *Comment. in Psalm.* p. m. 1825. sequentia notavit: *Ministerio pravorum uti haud licet: recedat à te. Sicut Jacobi Josephique servitia secum ferebant benedictionem (Gen. XXX, 28. XXXIX, 3.) ita maledictio abesse nequit à Sathanæ mancipiis, si eadem in domo adhibeamus nostra.* Multum valet Exemplorum efficacia, arcendi igitur sunt à familia vitiosi servi servæque, vid. Dn. *Christoph. Sam. Martini, Dissert. de Vi seu Efficacia Exemplorum,* Lips. 1686. §. VII.

Theatr. Curiosor. in Promontorio Misnia, Cap. II. P. XI. & ex eo Tenzel. Curios. Biblioth. I. Reposit. p. 517. Eadem de mulieribus Italis nonnullis memoriæ prodidit, Happelius T. II. Relat. Curios. p. 229.

§. X.

De lapillis in serpentum quorundam capitibus latentibus, varia tradiderunt Physici. Multi inter fabulas eosdem referunt, neque in serpentibus reperiri, sed arte confici asseverant. *Tavernierii* (*) verba è Tomo II. Itinerarii adscribam: Les Indiens sur le rapport de leurs faux prestres disent qu' elle se forme sur la teste de certains serpens: mais la verité est qu' elle se fait d' une certaine composition que peudegens sçavent. Elle est sou-
verai-

[*] Variis modis longævitati studuerunt miseri mortales. Audiamus *Cl. Gottl. Sam. Treuerum* An. 1712. cum *Sereniss. Brunsvicensium Dux Antonius Ulricus* octogesimum ætatis annum ingrederetur, sequentem in modum differentem: „Eant alii multisque immensæ senectutis adsequendæ subsidiis se jactent, glorientur cum superbis Sinæ incolis de radice excellentissima ad vitam longævam faciente, & ab Imperatore Chinesi sub initium hujus seculi Gallorum monarchæ commendata, gratulentur sibi cum *Helmontio* de inventione arboris vitæ, cujus usu terminos mortalitatis transgredi liceat: Placeat iis *Cardani* aqua cœlestis, *Cartesii* diætâ mirifica, *Bencilonii* Juliiqve lactis liquor vivificus, Angliqve cujusdam fides vel potius imaginatio miraculosa iis probetur; adeant cum Hispanis *Bojucam* Indiæ Occidentalis Insulam fonte perenni nobilissimam, cujus fonte reparari iuventutem tradiderunt, utantur demum infinitis Chymicorum arcanis, quibus impendentem vitæ Catastrophen effugere, vel in seriora ad minimum tempora differe allaborarunt, nihil certè, nihil agunt isti; & ex arena expectant semina, vid. *Lunigii Orat. Procer. Europæ* P. III. pag. 574. Animalia longæva e. g. cervos, serpentes ad vitam conferre longævam per Sympathiam, *Henr. Corn. Agrippa* de phil. occulta cap. XV. p. 25. existimat.

(*) *Tavernierii* itinera multa recondita, & vulgo ignorata comprehendere, artesque & secreta quædam Turcarum feliciter aperire. *Conr. Sam. Schurtzsfleischius Epist. Arcan.* P. I. pag. 23. fatetur. Celeberrimus iste vir demum in itinere à patruele circumventus omnibusque opibus exutus miserè periit, vid. *Tenzelii Colloq. menstr.* An. 1689. p. 1106.

veraine pour guerir la morsure des animaux venimeux: Sila partie qui a esté offensée n'est pas en tamée, il faut y faire une petite incision a fin que le sang en sorte, & alors on y applique la pierre, qui attire tout le venin quis' amasse tout autour, & elle ne tombe que lors qu' elle l'a attiré entierement. Conf. *Journ. des Scav.* An. 1677. T.V. p. 246. sqq. *Happellii Relat. Curios.* T.2. p.79.

§. XI.

De prodigiosæ magnitudinis serpentibus *Rob. Knox* in descriptione Insulæ Zeylon, & *Kircherus* (*) in China illustrata p. 202, 203. mira referunt, eosque Cervos cornibus munitos deglutire posse, asseverant, licet cornua ista sæpiusculè corpus bestiarum perforent, perniciemque illis accelerent. Eò pèrtinent, quæ memorat *Autor Voyage au Tour du monde* (Amstelod. 1716. in 8.) T.I. pag. 91. de genere Serpentum in Brasilia Liboya dicto XXX. pedes longo & integrum capreolum uno rictu deglutiente. Dubitat de veritate huius rei Celeberrimus *Ludolpus* Lib. I. Hist. Æthiopiciæ Cap. XIII. neque nos tam rudè ista arripimus, sed cervos potius exugendo & diminuendo devorare, credimus, quod *Kircherus* l. c. disertè affirmare videtur. Conf. *Tenzelii Colloq. menstr.* 1689. p. 786. sq.

§. XII.

Inter animalia [*] nociva, ob venenum, quo mordendo vulnera inficiunt, & cruciatus exquisitissimos, imò mortem interdum læsis accelerant, refe-

(*) Recordamur h. l. iudicii, quod de *Kirchero* eiusque scriptis *Rich. Simon*, *Nouvell. Bibliothec. Choisie*, T.II. Cap. IV. tulit. Agnoscit nimirum exquisitas & eruditas observationes in scriptis huius viri dari, ast desiderat soliditatem, cum insolentium rerum nimis studiosus fuerit. Interdum nimis credulus fuisse, videtur, cuius rei fidem faciet historia iucunda à Celeberrimo *Menckenio de Charlataneria Erudit.* pag. 38. sq. allata. Musæum ipsi erat rarissimis, exoticis, Physicis & Mathematicis rebus, inprimis iis, quæ Antiquitatum Cultoribus lucem fœnerabantur, refertum, cuius descriptionem *Philippus Bonanni* An. 1709. in fol. edidit, vid. *den Neuen Bucher-Saal*, P. V. p. 249. sqq.

[*] Dantur animalia multa venenata, rapacia hominique prima fronte nociva, e. g. Tarantula, Scorpio, Basiliscus (cuius descriptionem

referuntur. Est illud venenum succus flavidus aut sub lingua, aut ipsis dentibus in vesicula vel sacculo quodam latitans. Ita cum recentioribus Physicis affirmamus, aut erramus, vid. *Richard Mead Explication mechanique des Poisons*. Et conf. *Journ. des Scav.* 1709. p. 370. Novembr. 1705. Mens. Octobr. p. 1075. *Joh. Linderi Exercitat. de Venenis ingenere, & inspecie*, & conf. *Journ. des Scav.* 1708. Mens. Mart. pag. 574. sq. Dantur in America serpentes virus pestilentissimum evomentes, sed à natura matre provida vel Deo potius universi hujus parente ac opifice tintinabulis quasi instructi, ut antequam advolent, audiri & evitari possint à viatoribus. Galli eos vocant *Serpens à Sonnette*. Lege *Furretièrè Dict. Univ.* Tom. III. Artic. *Serpent*. *Oligeri Jacobæi Musæum Regium* (Hafniæ edit. 1696. fol.) P. I. Sect. V. Est in Solo Congi serpens mire virulentus, sed tanto cum strepitu procedit, ut continuò audiatur, eoque nullo quis negotio periculum evitet, inò venenatissimum interimat serpentem. Strepitus verò ille incessus, ut Petro Jarrico traditum de serpentibus Bambæ agenti provenit ex concussione lagenulæ, quam in cauda accepit, *Gerh. Joh. Vossii* verba sunt, de *Orig. & Progress. Idolol.* Lib. IV. Cap. LIX. p. 115. Neque huius generis serpentibus Septentrionales plagæ carent, observarunt tamen curiosi viperas in istis regionibus repentes non tanta copia veneni scatere, nec corporibus reliquorum animalium tot detrimenti inferre posse, siquidem eòdem adversus morsus serpentinos & insultus febriles tanquam antidoto utantur. Adscribam quæ *Mr. de la Roche ex Transactionibus philosophicis Anglicanis*, An. 1714. Tom. I. Angloise, P. I. e literis *Cotton Matherii* pag. 103. sq. excerpfit. *Ils (serpens à Sonnette) se tiennent en hyver dans les fentes de rochers in accessibles, & ils en sortent au prim temps. Comme ils sont alors extrêmement foibles, on tâche de les détruire. La Vessie du Fiel de ces serpens est dans ce temps - - - là pleine*

ex aspectu oculari *Mr. de Monconnys*, in *Itinerario* P. I. pag. 35. ex Edit. Junckeri dedit) *Lupus marinus* &c. ex quibus Athei & Naturalistæ ansam Bonitatem Numinis blasphemandi aut de eadem planè dubitandi arripiunt. Sed minimè utilitate carent ista animalia, præbent enim usum Medicum, & Theologicum. Commonefaciunt nos peccati & lapsus. Et ponas, homini nulli usui esse, quomodo probabis reliquis creaturis non aliquo, licet nobis incognito modo, prodesse posse? vid. *Mr. Martin Traite, de la Religion naturelle*, Cap. V.

pleine d' un suc acide de couleur d' Azur. On exprime ce suc dans un Verre, mais il est si spiritueux, quil s'evaporeroit bientôt, si l'on ne prenoit le soin de couvrir le Verre sur le champ. En suite on mêle cette liqueur avec une certaine quantité de Chaux pilée, ou avec de la Farine du Pais, & c' est un bon remede pour la morsure de ces serpens, Il est bon pour toutes sortes de Fièvres.

§. XIII.

Remedium adversus serpentum morsus cor serpentis est. Haud gravabimur Baronis de Valvasor verba è Parte I. *der Ehre des Herzogthums Crain*, ejusque Lib. III. Cap. XXXVIII. latino idiomate Benevolo Lectori communicare. Eripias matutino tempore ante quicquam cibi, quam capias é serpente vivo cor, istudque omni absque mora devores, & deglutias aquæ frigidæ portione, quantam cochlear capere potest, addita: Et per totius vitæ spatium ab omni serpentum vel morfu vel insultu eris immunis, sine periculo potius, & læsione illos capies, & crepundiorum instar in manibus gestabis. Experimentum hoc, pergit Auctor, in me ipso & in aliis probatissimum inveni. Quæ dum scribo, recordari subit *herbæ Habessynica*, ea virtute præditæ, ut serpentes deterrimo toxico scatentes enervet, & in somnum profundissimum conjiciat, ut citra metum periculi vel læsionis tolli queant. Quin imo umbra plantæ rarissimæ viperas languidas & innocuas reddit. Radice illius, qui vescitur, medios inter serpentes ambulare, & angvillarum instar manibus eos tractare potest. *Assazoë* herbæ huic nomen est, vid. *Jobi Ludolfi Comment. ad Hist. Æthiopiam* Part. I. Cap. IX. Forfan remediis ejusmodi Circulatores (*) & Circumforanei utuntur. Psyllos veteres plantam Assazoë non ignorasse, Ludolfus conjicit,

H

§. XIV.

(*) De circumforaneorum & Empiricorum variis glaucomatibus vulgaris allicientium origine, vid. *Barthol. Castelli*, vel potius *Jacobi Pancratii Brunonis* Lexicon Medicum Artic. *Agyrta*. De iis, qui carbones ignitos ori intulerunt, ignemque comedere visi fuerunt, vid. *Journ. des Scav.* T. V. An. 1677. pag. 54. sq. p. 222. sqq. Conf. si placet, quæ de Circulatorum præstigiis è *Job. Bodini Dialogo de Rerum sublimium Arcanis* T. III. *Observationum Miscellanearum* pag. 106. notavimus, adde *Wierum* L. II. de *Præstig. Damonum*, Cap. VI. pag. 120. sq.

§. XIV.

Admiratione digna sunt, quæ *Nicolaus Lemery*, *Traité Univerf. des Drogues simples mises en Ordre Alphabetique* (An. 1714. altera vice edit. in 4to.) Artic. *serpens* p. 786. de angvibus, in monte *Kupferberg* (*) XXIV. lapides ab *Holmia* sito, refert. Dicit nimirum, eos colorem cupreum, rubicundum præ se ferre, fragili verò pelle, & nullo pene veneno instructos esse. Quod si serpentes tales virga vel baculo ferias, vitri instar statim in frusta dissolvuntur, ita tamen, ut particulæ fractæ per longum temporis spatium sese moveant, & vitam retineant. Fides sit penes Auctorem, qui testem nullum allegat.

§. XV.

Ludolfus (**). l. c. Cap. XIII. varia de serpentibus veterum domesticis memoriæ prodidit. Omni carebant veneno, pueris & mulieribus erant in deliciis, & harum mammas infantum ad morem fugebant. Serpentes in *Insula Formosa* ita familiares sunt incolis, ut corpora eorum cingant, & vestimentorum instar legant, vid. *Description de l' Isle Formosa en Asie*, *Amsterdam*. An. 1705. edit. & conf. *Journ. des Scav.* 1706. p. 153. sq.

§. XVI.

Cæterum, planta ista *Abessynica*, de virtute verbi divini nos commonefacere potest. Hoc si te munieris, ab infernalis serpentis insultibus venenoque illius tutus eris.

(*) A monte isto oppidum haud adeò splendidum in *Normandia* nomen suum sortitum, est probè fecernendum ab alio in *Silesia*, Principatu nimirum *Fauerens* pariter *Kupferberg* dicto.

(**) Vitam illustris viri *Jobi Ludolfi*, *Christianus Funckerus*, An. 1710. *Lipsiæ* edidit. Sub vitæ finem *Saxonix Ducum* intimi *Consiliarii* dignitate gavissus est, *Electori Palatino* à *Consiliis* & *directione Cameræ* fuit, *Saxonix* verò *Electorum* negotia *Residentis* nomine *Frankfurti* curavit, ibique An. MDCCIV. diem suum obiit Vir multarum rerum vasta scientia & notitia XXV. lingvarum supra vernaculam. Inter scripta ejus facile eminet *Commentarius ad Historiam Æthiopicam*, An. 1691. in lucem prolatus, de quo *Celeberrimi Actorum Eruditorum Lipsiensium Collectores* An. MDCXCI. mens. August. p. 361. ita: „Continet is non solum uberiores expositionem rerum ad Historiam „*Æthiopicam* ac descriptionem *Æthiopix* pertinentium, & refutationem

§. XVI.

Comitia serpentes annuatim celebrare creduntur. Auctor Holmiæ literatæ An. MDCCII. nunciabat, celeberrimum Regis Sveciæ Archiatrum, *Urbanum Hiarnæ*, elegantem Historiam conventuum horum anniversariorum, quos serpentes è remotissimis septentrionis locis congregati iudicii solennis exercendi causa instituant, meditari, sed illa, quod ego quidem sciam, nondum prodiit. Cæterum, de hisce comitiis ita fabulantur: serpens noxæ cuiuscunque reus lapillos primum deglutire iubetur, tandem criminis post longum examen convictus, ad caput usque à reliquis devoratur.

§. XVII.

Sufficiant nunc Miscellanea! Plura coacervare haud animus est. Forte & ista ad doctum Censorum palatum non sunt futura, qui Locos communes nos excussisse, clamabunt. Rectè iudicabunt, neque tamen rem acutangent. Non enim paginæ Sectioni huic destinatæ sufficerent, si omnia quæ de serpentibus annotavimus, variisque Virorum doctissimorum è scriptis congestimus, huc transferre animus foret. Coronidis modo & Appendicis loco hæcce adicere, nimirum & delectare & prodesse voluimus, si potuimus, potuimus autem per Immortalis soliusque veri Numinis clementiam. Istud conterat Satanam serpentem antiquum sub nostros, omniumque Lectorum pedes, per Christum Semen mulieris!

contrariorum cum documentis, epistolis, & actis publicis in primo opere promissis: Sed etiam multa singularia & quædam planè nova, ad varias eruditionis partes spectantia. . . Laudat eundem *Schurtz-*, *fleischius* P.I. Epist. Arcan. p. 138. sq. De tanto viro Simonius pro more iniquè iudicat, eumque Æthiopum opiniones ad Lutheranorum placita sæpius detorsisse, queritur; sed rectius aliū sentire didicerunt, Ludolfumque primum lingvæ Æthiopice inter Christianos magistrum, nec non virum meritis in bonas literas illustrem, & semper honoris causa nominandum salutarunt. Plura de nostro dabunt *Jac. Frid. Reimannus Hist. Liter. P. V. p. 538. sq. Biblioth. Nova Halensis T. I. p. 302. - - 321.*

F I N I S.



